



Qeqqata Kommunia
Makkorsip Aqq. 2
Postboks 1014
3911 Sisimiut

Allakkat ulluat: 22-06-2022

Suliap normua: 2018 - 1897

Allagaatip ilisarnaataa:

19205173

Postboks 1614

3900 Nuuk

Oqarasuaat: (+299) 34 50 00

Fax: (+299) 34 54 10

E-mail: pan@nanoq.gl

www.naalakkersuisut.gl

Sisimiuniit Kangerluarsuk Tullermut aqqusineq pillugu ASN- imut akuersissuteqarneq



Imai

1	Aqqusineq pillugu ASN-imut akuersissut: Sisimiut – Kangerluarsuk Tulleq...	4
1.1	Aallaqqaasiut	4
1.2	Suliassamut siunertaasoq aammalu tunngaviusoq.....	4
1.3	Inatsisit tunngaviusut	5
1.4	Akuersissutit aamma akuersissuteqarnerit allat	6
1.4.1	Pinngortitamut sunniutaasussanik nalilersuinermit akuersissuteqarneq	6
1.4.2	Imeqarfiup killeqarfiani aqqusinermit sananissamut ingerlatsinissamullu immikkut ittumik akuersissut	6
1.4.3	Akuersissutit akuersissuteqarnerillu allat.....	6
1.5	Inatsisit attuumassutillit allat	6
1.6	Pilersaarutit tunngaviusut	7
1.6.1	Kommunimut pilersaarut	7
1.6.2	Kommunimut pilersaarummut tapiliussat.....	7
1.6.3	Illoqarfinnut nunaqarfinnullu pilersaarutit	9
1.7	Akuersissuteqarnermit killiliussat	10
2	Suliassamut aammalu periarfissanut allanut nassuiaatit	11
2.1	Suliassanut nassuiaatit	11
2.1.1	Piffissaq sanaartorfiusoq	14
2.1.2	Ingerlatsineq	15
2.1.3	Matusineq.....	17
2.2	Periarfissat allat.....	17
3	Suliassami tunngavissat	19
3.1	Suliassami piffissamut pilersaarut pingarneq	23
4	Akuersissut piumasaqaatitalik	24
4.1	Sanaartornissamut piumasaqaatit	24
4.2	Ingerlatsinermit piumasaqaatit.....	32
4.3	Matusinissamut piumasaqaatit	36
5	Piumasaqaatinut aalajangersarneqartunut tunuliaquttat tunngavilersuutillu 37	
6	Allaffissornikkut aalajangersakkat	40
6.1	Akuersissuteqarnerup atorunnaarnera.....	40
6.2	Akuersissuteqarnerup kukkunersiorneqarnera	40
6.3	Peqqussuteqarnerit.....	40

6.4	Avatangiisinik nakkutilliineq	41
6.5	Akuersissuteqarnerit ilannguttussat.....	41
7	Tamanut saqqummiussineq aamma naammagittaalliornissamut ilitersuineq	
	42	

1 Aqqusineq pillugu ASN-imut akuersissut: Sisimiut – Kangerluarsuk Tulleq

1.1 Aallaqqaasiut

Matumuuna Qeqqata Kommunia Sisimiuniit Kangerluarsuk Tullermut, 2018-imi januaarimi qinnuteqaatigineqartutut akuersissummik tunineqarpoq.

ASN-imut akuersissuteqarneq *atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaanni nr. 5, 27. marts 2013-meersumi (ASN-imut nalunaarut) § 19 naapertorlugu nalunaarutigineqarpoq.* Paasissutissiinerit, naatsorsuinerit, annertussutsit nalilersuinerillu ASN-imut nassuiaammi tamanut saqqummersinneqartumi allassimasut aammalu tamatumunnga tusarniaanermut akissuteqaatit tiguneqartut tunngavigalugit akuersissuteqartoqarpoq.

Akuersissummi piumasaqaatit, akuersissummi matumani kapitali 4-mi allassimasut piumasaqaatigineqarput.

1.2 Suliassamut siunertaasoq aammalu tunngaviusoq

ASN-imut akuersissuteqarneq manna Sisimiuniit Kangerluarsuk Tullermut aqqusinermut atuuppoq. Tassanngaanniit aqqusineq Kangerlussuarmut ATV-nut aqqusinermut sananeqareersumut atassuserneqassaaq.

Qeqqata Kommunia aamma Aasivissuarniit Nipisanut UNESCO-mi nunarsuarmi kingornussassaqaarfimmi tukimut aqqusinniornissamik pilersaaruteqarpoq, takuuk Qeqqata Kommunanut 2012-24-mut Kommunip pilersaarutaanut tapiliussaq nr. 58 (takuuk Ilusiliaq 1).

Tamatuma saniatigut illuaqqanik akunnittarfinnillu aqqusinermut atasunik sananissaq Qeqqata Kommuniata 2012-24-mut Kommunip pilersaarutaanut tapiliussami nr. 58-imi ajornarunnaarsinneqarpoq (takuuk Ilusiliaq 1). Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmit erseqqissaatigineqassaaq, aqqusineq pillugu aqquserniassaq aammalu illuaraliornissaq akunnittarfiliornissarlu, kommunimut pilersaarummut tapiliussami nr. 58-imi piviusunngortussatut periarfissiissutigineqartoq, piviusunngortitsinissaq sioqqullugu ASN-imut nalunaarummi § 5, imm. 3, ilanngussaq 2 naapertorlugu suliassanut tunngasoq naapertorlugu ASN-iliornissamut pisussaaffeqarfiunersoq misissorneqartussaammat.

Sisimiut aamma Kangerluarsuk Tulliup akornanni aqquserniassami matumani aqqusernup Kangerluarsuk Tullermiit Kangerlussuarmut aqquserniamut

atassuserneqarnissaa siunertarineqarpoq. Taamaalluni aningaasaqarnikkut ineriartortitsinissamut, taamaalillunilu aamma takornariatitsiffissanut nutaanut tunngavissiisoqarpoq, kiisalu Sisimiut aamma Kangerlussuup akornanni innuttaasut nunarujussuarmut ornigussinnaanissamut periarfissinneqarlutik. Tamatuma saniatigut aqqusineqalerpat Sisimiut aamma Kangerlussuup akornanni inunnik aammalu usinik assartuussinermi timmisartumik assartuussisarneq kisimi isumalluutaajunnaassaaq.

Takornariat amerlanerusut sivilunerusumik sumiiffimmiittalernerannik aqqusinniorneq malitseqassasoq naatsorsuutigineqarpoq, tassani ilaatigut UNESCO-mi nunarsuarmi kingornussassaqaarfik *Aasivissuit – Nipisat, Inuit immap sermillu akornanni aallaaniartarfiat* takusarsinnaallugu. Sumiiffiup takornarianut takusartissinnaanissaanut aqqusineqarnissaa pisariaqarpoq.

1.3 Inatsisit tunngaviusut

ASN-imut akuersissuteqarnermut inatsisitigut tunngavissaq tassaavoq *atortut ilaasa avatangiisinut sunniutaannik nalilersuineq pillugu Namminersorlutik Oqartussat nalunaarutaat nr. 5, 27. marts 2013-meersoq* (ASN-imut nalunaarut). Aqqusinniassaq ASN-imut nalunaarummut ilanngussaq 2-imi, immikkoortoq 1d)-mi allassimavoq: *2000 meterit sinnerlugit ataatsimut katillugu isorartussuseqarluni nunaannakkoortinneqartussatut eqqarsaatigineqartumik aqqusinniorneq*. Sisimiut aamma Kangerluarsuk Tulliup akornanni aqqusinniassamut ASN-imut nassuiaat ASN-imut nalunaarummi § 5, imm. 3-5 naapertorlugit suliarineqassasoq, Nunalerinermut, Imminut Pilersornermut, Nukissiutinut Avatangiisinullu Naalakkersuisup aalajangerpaa.

ASN-imut nassuiaat suliaassami avatangiisinut sunniutaasussanik annertuunik tulleriissaartumik periaaseqarluni allaaserinninnermik imaqassaaq. ASN-imut nassuiaat suliaassamut nassuiaat (Terms of Reference) akuerineqareersoq tunngavigalugu suliarineqassaaq. Suliaassamut akuersissuteqartoqarsinnaanersoq, piumasaqaatit suut akuersissuteqarnermi tunngavigineqassanersut ilanngullugit, Naalakkersuisut tamakkiisumik paasissutissiiviusumik tunngavilimmik aalajangiisinnaanissaat ASN-imut nassuiaasiornermi siunertaavoq.

ASN-imut nassuiaat 13. decembari 2021-miit 18. februaari 2022-mut tamanut ammasumik tusarniaassutigineqarpoq, taamaalillutik tamat ASN-imut nassuiaammut oqaaseqaatiminnik saqqummiinissamut periarfissaqarsimallutik. Tusarniaanermut atatillugu Sisimiuni aamma 8. februaari 2022-mi innuttaasunik ataatsimiititsisoqarpoq.

Tusarniaanermut atatillugu tusarniaanermut akissuteqaatit marluk tiguneqarput. Tusarniaanermut nalunaarusiaq (tusarniaanermut allakkiaq) suliarineqarpoq. Tusarniaanermut akissuteqaatit ASN-imut nassuiaammi allanngortitsinissamik pissutissaqalersitsinngillat.

1.4 Akuersissutit aamma akuersissuteqarnerit allat

ASN-imut akuersissuteqarneq manna akuersissuteqarnertut ataatsimoortutut ataatsitut atussaaq, tassani avatangiisinut akuersissutit aamma akuersissuteqarnerit arlallit ilanngunneqassallutik. Kisiannili akuersissutit akuersissuteqarnerillu allat ilanngunneqassappata, Nunalerinermut, Imminut Pilersornermut, Nukissiutitut Avatangiisinullu Naalakkersuisoqarfiup ASN-imut akuersissummi maleruagassiuussinissamut paasissutissanik pisariaqartunik tigusaqarsimanissaa pisariaqarpoq, tak. imm. 1.4.2 aamma immikkoortoq 1.7

1.4.1 Pinngortitamut sunniutaasussanik nalilersuinermit akuersissuteqarneq

ASN-imut nassuiaammut *pinngortitamik illersuineq pillugu Inatsisartut inatsisaanni nr. 29-mi, 18. december 2003-meersumi* kapitali 14 naapertorlugu pinngortitamut sunniutaasussanik nalilersuineq ilanngunneqarpoq.

1.4.2 Imeqarfiup killeqarfiani aqqusinermit sananissamut ingerlatsinissamullu immikkut ittumik akuersissut

ASN-imut akuersissuteqarnermit matumunnga peqatigitillugu sanatitsisoq (Qeqqata Kommunia) Sisimiuni imeqarfiup killeqarfiata iluani aqqusinermit, ASN-imut akuersissuteqarnermit matumunnga ilaatinneqartussamik sananissamut ingerlatsinissamullu immikkut ittumik akuerineqarpoq, tak. *Avatangiisit innarlitsaallorneqarnissaanik Inatsisartut inatsisaanni nr. 9-mi, 22. november 2011-meersumi § 29, imm. 1 aamma 2. Immikkut ittumik akuersissut taaneqarpoq, Sisimiuni imeqarfiup killeqarfiata iluani aqqusinermit sananissamut ingerlatsinissamullu immikkut ittumik akuersissut.*

1.4.3 Akuersissutit akuersissuteqarnerillu allat

ASN-imut akuersissuteqarneq manna, akuersissutillu tassunga atasut ASN-imut nalunaarummi § 27 naapertorlugu sanatitsisup akuersissutit akuersissuteqarnerinilu attuumassutilinnik allanik piniarsinnaaneranut atorunnaarsitsinngillat..

1.5 Inatsisit attuumassutillit allat

Suliassami matumani sanaartortoqarnerani ingerlatsisoqarneranilu eqqakkanik issunillu mingutsinneqarsimasunik allanik, tassungalu ilanngullugu uuliakunik kemikaliakunillu igitassanik passussineq piianaanerlu *eqqakkat pillugit Namminersorlutik Oqartussat nalunaarutaanni nr. 3-mi, 7. januar 2021-meersumi* (eqqakkanut nalunaarut) maleruagassiuunneqarput.

Taamaattumik sanaartornermi ingerlatsinermilu, kiisalu sanaartornermi ingerlatsinermilu eqqakkanik passussinerit piiaanerillu tamarmik (tassunga

sanaartornermi igitassanik piiaanerit ilanngullugit) Qeqqata Kommuniani inuussutissarsiorfinniit eqqakkanut malittarisassat sukkulluunniit atuuttut malinneqassapput, tak. Eqqakkanut nalunaarummi § 20, imm. 1-3.

Tamanna pissutigalugu ASN-imut akuersissuteqarneq manna naapertorlugu eqqakkanik issunillu mingutsinneqarsimasunik passussinissamut piiaanissamullu atugassarititaasuni piumasaqaatit, inatsisini kommunillu malittarisassaanni matuma siuliani allassimasut aallaavigineqarput.

1.6 Pilersaarutit tunngaviusut

1.6.1 Kommunimut pilersaarut

Kommunimut pilersaarut, kommunimi sumiiffiini ineriartortitsinerup maleruagassiiffiginissaanik siunertaqartoq, Qeqqata Kommuniani kommunalbestyrelsip ulloq 25.10.2012 akueraa aammalu ulloq 20.12.2012 tamanut ammasumik saqqummiullugu.

Kommunimut pilersaarummi qulequttani *attaveqaatit ataqtigiinnerillu* aamma *Sisimiuni teknikkimut atortut* ilaatigut imatut allaaserinnittoqarpoq:

”Kalaallit Nunaanni sumiiffinni ikittuni pisutut aqqusineramik takinerusumik illuatungaagut asimi nunamik allatut atuisinnaanermik, aappaatigullu Kangerlussuarmi mittarfiup aamma Sisimiuni umiarsualiviup suliaasa ataatsimut sunniuteqarfigisinnaasaanik, taamaalillunilu kalaallinut atatillugu attaveqaatinik ataqtigiinnik nukittuunik asseqanngitsunik sanaartornissaq periarfissaqarpoq. Attaveqaatit inuussutissarsiorfinnut ineriartortunut, soorlu takornariaqarnermut, aatsitassarsiornermut aammalu uuliamik gassimillu ujarlernermet, immaqalu [...] -nik tunisassiornermut naleqartorjuussapput. Imeqarfiup killeqarfia aqqusaarlugu assartuussinermet aqqut/aqqusineq siunnerfigineqarpoq. Taamaalilluni nunap timaani sunngiffimmi suliaqarsinnaanermut periarfissat pigiinnarneqassapput.”

1.6.2 Kommunimut pilersaarummut tapiliussat

Qeqqata Kommunianut pilersaarummi 2012-24-mi tapiliussaq nr. 22. Sisimiut aamma Kangerlussuup akornanni pinngortitami aqqusineq

Kommunimut pilersaarummut tapiliussaq naapertorlugu siunertaavoq:

- Sisimiut sineriaata aamma Kangerlussuarmi sermersuup akornanni sumiiffiit sikuneq ajortut angisuut tikikkuminarnissaannut periarfissiinissaq.


- Neqinik aalisakkanillu qerisuunngitsunik Kangerlussuarmut assartuussisoqarnissaanut periarfissanik pilersitsisoqassaaq, tassani Europami niuerfinnut aammalu Amerikami niuerfinnut timmisartoq atorlugu assartuussisoqalersinnaassalluni.
- Nunaminertat takornarianut assigiinngitsunik sammisassaqtitsivittut aammalu nunaqavissut takornariallu UNESCO-p nunarsuarmioqatigiinnut kingornussassarititaata – Aasivissuit – Nipisat tikeraarsinnaanerannut periarfissiinissaq.

Suliassaq kommunimut pilersaarummut tapiliussami nr. 22-mi pilersaarusiornermi tunngavigineqartunut naapertuuppoq, tassani aqquernup ilaata kommunimut pilersaarummut tapiliussami ilaatinneqartup sananeqarnissaa ilaatinneqarmat.

Qeqqata Kommunanut pilersaarummut 2012-24-mut tapiliussaq nr. 58. Sisimiut aamma Kangerlussuup akornanni aqqusineq sinerlugu unnuisarfissat illuaraqarfissallu

Kommunimut pilersaarummut tapiliussami aqqusineq sinerlugu ingerlatassanik arlalinnik piviusunngortitsinissamut periarfissiisoqarpoq, taakkualu matuma kinguliani nassuiarneqarput:

Kommunimut pilersaarummut tapiliussami sumiiffiit marluk akunnittarfinnik / illuaraqarfinnik pingasunik, tamarmik immikkut 2.000 m² tikillugit angissusilinnik pilersitsiviusussatut atugassiissutigineqarput. Akunnittarfik taamatut angissuseqartoq ininik marluuttarissanik 50-inik initaqarsinnaassaaq. Tamatuma saniatigut sumiiffiit tallimat illuaraliorfissatut atugassiissutigineqarput, illuaraqarfimmilu ataatsimi annerpaamik illuaqqat pingasut, katillugit 360 m²-inik angissuseqartussat, tamarmik immikkut 15 m²-inik angissusilinnik queqartussat, tassalu katillugit 45 m²-inik angissusillit, sananeqarsinnaassapput. Illuliortiternissamut periarfissaqarfiusut katillugit 8.025 m²-inik annertussuseqarput. Illuaqqat takornariartitsinermi ingerlatassanut atatillugu attartortitsinermut atorneqartussaananeratt naatsorsuutigineqarmat, illuaraq ataaseq agguaqatigiissillugu 120 m²-inik angissuseqassasoq, aammalu marluuttarissanik pingasunik initaqassasut naliliisoqarpoq. Sumiiffiit atugassiissutigineqartut inissisimaffissaat Ilusiliaq 1-imi takuneqarsinnaavoq.



Ilusiliaq 1: Sumiiffiit akunnittarfinnut illuaqqanullu kommunimut pilersaarummut tapiliussami nr. 58-imi atugassiissutigineqartut. Ammalortut aappaluttut mikisut illuaraqarfissanut nalunaaqutsiussaapput, aammalu ammalortut aappaluttut angisuut akunnittarfissat sumiiffiit nalunaaqutsiussaallutik. Ammalortoq qorsorpaluttoq Kangerlussuup Umiarsualiviata pioreersup eqqaani akunnittarfinnut Mt. Evans-imut nalunaaqutsiussaavoq. Aappaluttumik kigartorsimasumi UNESCO-p nunarsuarmi kingornussassaqartitsiviani atugassiissutigineqartoq takutinneqarpoq, aammalu titarnermi kittorartaartumi Kangerlussuup aamma Kangerluarsuk Tulliup akornanni aqqusineq takutinneqarluni. UNESCO-p nunarsuarmi kingornussassaqartitsiviani K61-imi Aasivissuit aamma Nipisat akornanni tukimut aqqusineq titarnertut aappaluttutut kipisaqattaartutut takutinneqarpoq.

1.6.3 Illoqarfinnut nunaqarfinnullu pilersaarutit

Illoqarfinni nunaqarfinnilu ataasiakkaani inuiaqatigiit aqqissugaanerannut pingaarnermut nassuiaatit illoqarfinnut nunaqarfinnullu pilersaarutiniipput, tassanilu innuttaasut aammalu suliffissaqartitsiniarnermut tunngasut sammineqarput, tassungalu illoqarfinni imaluunniit nunaqarfinni ataasiakkaani ineriartortitsineq, kommunimi pilersaarummi aallunneqartoq ilaatinneqarpoq. Sumiiffik aqqusernup sananeqarfissaatut pilersaarutigineqartoq *Kangerluarsuk Tulleq – Sisimiut (800-N7)* akornanni sumiiffik sanaartorfiunngitsoq (sumiiffik sunngiffimmi sammisaqarfik suliaqarfillu) aqqutigalugu aqquserniornissaq, Sumiiffik immikkut ittumik mernguversarfiusoq *Illuaraqarfillu-mut* atugassiissutigineqarpoq.

Taamaalilluni aqquserniassaq manna pilersaarutinit tunngavigineqartunut naapertuuttut naliliiffigineqarpoq.

1.7 Akuersissuteqarnermut killiliussat

ASN-imut akuersissuteqarnermi ATV-nut aqqusineramik nutaamik sananissaq, tamatumalu kingorna Sisimiut aamma Kangerluarsuk Tulliup akornanni aqqusernup ujaraaqqanik qallikkap nutarterneqarnissaa ilaatinneqarpoq.


ASN-imut akuersissuteqarnermi ASN-imut nassuiaammi suliassanut nassuiaat aammalu paasissutissat, naatsorsukkat annertussutsit naliliinerillu, ASN-imut nassuiaammi nassuiaatigineqartut tunngavigineqarput. Suliassami allassimanngitsunik – taamaalillunilu ASN-imi nassuiaammi naliliiffigineqarsimanngitsunik – annertuunik alliliisoqassappat, imaluunniit annertuunik allannguisoqassappat, sanatitsisoq tamatumunnga akuersissummik Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmut qinnuteqassaaq. Saniatigut suliassat imaluunniit suliassanut aallaqqaammut pilersaarutaasunut allannguutissat Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik (ASN-imut nalunaarummi § 19 naapertorlugu) tamatumunnga allakkatigut akuersissummik nalunaaruteqaqqaartinnagu aallartinneqassanngillat. Suliassat allannguutissaannut inatsit alla naapertorlugu akuersissummik akuersissuteqarnermilluunniit pisariaqartitsiffiuppat, taamaallaat inatsit attuumassuteqartoq, pissutsinut maleruagassiorfiusoq naapertorlugu tamatumunnga akuersissummik/akuersissuteqarnermik nalunaaruteqartoqarnerani taamatut allannguneq pisinnaavoq.

2 Suliassamut aammalu periarfissanut allanut nassuiaatit

Matuma kinguliani suliassanut nassuiaatinut aamma sanaartornermi ingerlatsinermilu avatangiisinut sunniutissat annertunerusut pillugit nassuiaatinut ASN-imut nassuiaat avatangiisinillu naliliinerit tunngavigineqarput, tamatumalu saniatigut ASN-imut akuersissuteqarnermi piumasaqaatit suliarineqarnerinut tunngavissatut atorineqarput.


2.1 Suliassanut nassuiaatit

Suliassami Sisimiut aamma Kangerluarsuk Tulliup akornanni aqqusinniornissaq pineqarpoq. Aqqusineq Sisimiuniit Kangerlussuarmut aqquserniormi tamarmiusumi immikkoortoq 2-juvoq, tassanilu immikkoortoq 1 tassaavoq Kangerlussuarmiit Kangerluarsuk Tullermut aqquserniaq, tak. ilusiliaq 2.



Ilusiliaq 2: Sisimiut aamma Kangerlussuup akornanni aqqusineq tamarmiusoq. Titarneq kittorartitaartoq aappaluttoq tassaavoq aqqusineq, ASN-imut akuersissuteqarnermi matumani pineqartoq.


Aqqusineri annertoq Sisimiut kangianni tatsimut imeqarfiup killeqarfiata iluani sananeqassaaq, tak. ilusiliaq 3. Aqqusernup inissiffissaanik allanik misissuisoqarsimagaluarpoq, taakkununnga aamma periarfissat, imeqarfiup killeqarfianik aqqusaarsiffiunngitsut ilaatinneqarput.



Ilusiliaq 3: Titarneq kittorartitaartoq aappaluttoq tassaavoq Sisimiuniit Kangerluarsuk Tullermut aqqusineq. Toornermi aappaluttumi Imeqarfik 5-imi (imermut imigassamut imeqarfimmi) imermik milluaavik takutinneqarpoq, aammalu kangimut ungasinnerpaami Nasiffimmiit Kangerluarsuk Tullermut aqqusineq ammukariaq sangusaartoq (toornermik sungaartumik nalunaaqutserneqartoq) takutinneqarpoq.

Imeqarfiup killeqarfia avaqqullugu aqqiissutissatut periarfissat allat, ASN-imut nassuiaammi misissuiffigineqartut tamarmik peerneqarput, periarfissani allani aqquserniornissamut aningaasartuutissat amerlissutissaat, minnerunngitsumik imeqarfiup killeqarfiatigut aqquserniorfissatut toqqarneqartumi avatangiisinut sunniutissanut sanilliullutik annertussutsimikkut naapertuutinngimmata.

Aqqusineq Sisimiuni qimmilivimmiit Kangerluarsunnguaq Tulliup tungaanut annertoqatigiikkaarlugit sananeqassaaq, immikkoortukkarlugulu tallisikkiartuaarneqassalluni. Aqqusineq aallaqqaammut ATV-nut aqqusinertut sananeqassaaq, kingusinnerusukkullu ujaraaqqanik qallersorneqarluni, kussineq ilanngullugu 7 meterit angullugit silillineqassalluni. Taseq imeqarfik sinerlugu aqqusineq amitsoq marlunnik ingerlaarfilerlugu silillineqarsinnaanngippat, tassani aqqusineq ataasiinnarmik ingerlaarfilerlugu, angallattunut aqutsissutilerlugu annikillineqassaaq.



Ilusiliaq 4: Aqqusernup imeqarfik 5-imut (imermut imigassamut imeqarfimmut) qaninnerpaaffia 300 meterit missaannik takissusilik ataasiinnarmik ingerlaarfilirlugu, angallattunut aqutsissutirlugu annikillineqassaaq. Aqqusineq tunngavissat, tabeli 1-imiittut naapertorlugit sananeqassaaq.

Aqqusernup sananeqarnera pinngortitaq sapinngisamik annikinnerpaamik innarliiffiussaaq, nunalu sivingangaatsiarpat imeqangaatsiarpalluunniit aammalu tamatumani taseq imeqarfik sinerneqarpat, aqqusinernut “karsinik” sanasoqassaaq. Sisimiuni taseq imeqarfik saneqqullugu, aamma nunap sivinganerisa annertuffiini annertuumillu nungullarsimaffiini aqqusineq asfaltimik qallerneqarsinnaavoq, ilaatigut aqqusernup pissutsini tamani atorneqarsinnaanissaa, ilaatigullu avatangiisinut sunniutissat annikillisarneqarnissaat qulakkeerniarlugu, tassungalu pingaartumik tatsimut imeqarfimmut kinnernik kuuttoqarsinnaanera assersuutigineqarpoq. Nuna sivingalluinnarpat, soorlu Kangerluarsuk Tulliup tungaanut taamaattoq, aqqusineq sangusaartillugu suliarineqassaaq.

Aqquserniornermut atatillugu uniffissanik imaluunniit illunik aserfallatsaaliuiffissanik sanasoqassanngilaq.

ATV-nut aqquserniornermi sanaartornermi atortussat aqquserniorfiusumi piiarneqarsinnaassapput. Aqqusinermik ujaraaqqanik qallikkamik sananermi imeqarfiup killeqarfiata avataani ujaraaqqerivimmik annertunerusumik ataatsimik pilersitsinissaaq pisariaqarsinnaavoq.

2.1.1 Piffissaq sanaartorfiusoq

ATV-nut aqqusineq

ATV-nut aqqusinermik sananermi aqquserniorfissat maniilattorujussuit sivingasullu ujaraajarneqassapput. Aqqusinissap sanaartorfigineqartussaannngitsortaani nunami ingerlavissat ujaqqanik napasunillu nalunaaqutsersorneqassapput. Iluatigut kuuffilersuisoqassaaq, taamaalillunilu imeq aqqusinermik nungullartitsinani ingerlaannartumik kuussinnaassaaq, aammalu taamaallaat saneqqunniarneq ajornartorsiorfiusutut naliliiffigineqarpat illuarfissanik sanasoqassaaq. ASN-imut akuersissuteqarnermi matumani kapitali 4-mi piumasaqaatit, ATV-nut aqqusinermik sananermi malinneqartussat allassimapput. Atugassaritaasuni pinaveersaartitsineri iliuusissat, ASN-imut nassuiaammi kapitali 6-imi allassimasut aallaavigineqarput.

Aqqusineq ujaraaqqanik qalligaq

Aqqusernup annersaa nunami aalaakkaasumi sananeqassaaq, kisiannili pisariaqassappat aqqusinermut “karsinik” ataasigut imermut, aqqusineq aqqusaarlugu kuuttumut kuuffilinnik sanasoqassaaq. ASN-imut akuersissuteqarnermi matumani kapitali 4-mi atugassaritaasut, aqqusinermik ujaraaqqanik qallikkamik sananermi malinneqartussat allassimapput. Atugassaritaasuni pinaveersaartitsineri iliuusissat, ASN-imut nassuiaammi kapitali 6-imi allassimasut aallaavigineqarput.

Kangerluarsuk Tulliup tungaanut ammuksariaq sangusaartoq sioqqutitsiarlugu qimussit illerni, qamuteralaat illerni ATV-nullu aqqusineq imminnut naapipput. Aqquserniassaq immikkoortillugu sananeqassaaq, ujaraaqqanillu qallerneqarpat ATV-nut aqqusiniugallartoq atorunnaarsinneqassaaq immikkoortinneqassallunilu, taamaalillunilu angallattut tassuunaarsinnaajunnaassapput. Tamatuma kingunerisaanik qimussit qamuteralaalullu illerni biilinik angallaffimmiit immikkoortinneqassapput.

Aqqusernup nutaap pisuinnarnullu aqqusernup Arctic Circle Trail-ip naapiffiini pisuinnarnut aqqusineq qanittuanut illuartinneqassaaq, taamaalillunilu aqqusinikkut angallattut pisuinnarnut aqqusinermik atuisunut akornusersuutaajunnaassaaq. Pisuinnarnut aqqusernup nutaap inissiffiani pinngortitami kulturikkullu oqaluttuarisaanermi soqutigisat eqqarsaatigineqassapput.

Sanaartornermi avatangiisinut sunniutissat

Matuma kinguliani aqquserniornermi sanaartornerup nalaani avatangiisinut sunniutissat annertunerit allaaserineqarput.

Tamanut tunngasut

ASN-imut nassuiaammi ataatsimut isigalugu sanaartugassaq avatangiisinut, ASN-imut nassuiaammi naliliiffigineqartunut annertuunik sunniuteqarnerlussanngitsoq naliliisoqarpoq.

Taseq imeqarfik

ASN-imut nassuiaammi suliassap Sisimiuni imermut imigassamut sunniutissai pillugit avatangiisinut naliliinermut tunngavissatut ulorianartorsiorsinnaanermut misissueqqissaarnernik annertuunik suliaqartoqarpoq, tamatumalu kingorna sanaartornermi ingerlatsinermilu sunniutissat ajornerpaat eqqarsaatigineqarsinnaasut najoqqutassiorneqarput, tassanilu aqqusinermi Tasermut imeqarfimmut 5-imut qaninnerpaami annertuumik uuliaarluertoqarnissanut paasisat pineqarput.

Assersuutigalugu dieselimik 750 literimik (*Sisimiuni imeqarfiup killeqarfianut maleruagassat immikkut ittut pillugit Namminersorlutik Oqartussat nalunaarutaat nr. 9, 30. aprili meersoq* naapertorlugu ullumikkut sisorartarfimmut Alanngorsuarmut assartorneqartartup annertoqatigipajaaganik) kuuttoorsinnaaneq, najoqqutassiarineqartumi naatsorsorneqartoq, ajornerpaamik pisoqassappat (tassalu aqqusinermi tatsimut imeqarfimmut qaninnerpaami sumiiffimmi naleqqutinngilluinnartumi kuuttoorneq, tamatumalu saniatigut anorip sarfallu sammivii naapertuutinngitsut), Tasermi imaqarfimmi 5-imi mingutsitsinerup nalunaaquttap akunnerisa marluk qaangiunnerini imermik imigassamik milluaavimmut annguttussaavoq.

Aqqusernup sananeqarneranut atatillugu ASN-imut nassuiaammi kapitalimi 6-imi tamanna pillugu allaaserisat tunngavigalugu pinaveersaartitsinermi iliuusissanik aallartitsisoqassaaq, taamatullu tamanna aamma ASN-imut akuersissuteqarnermi matumani piumasaqaatit, immikkoortumi 4.1 *Sanaartornermut piumasaqaatit-ni* allassimasut aqqutigalugit maleruagassiuunneqarpoq. ASN-imut nassuiaat ataatsimut isigalugu naliliisoqarpoq, sanaartugassap sanaartornerup nalaani imermik imigassamik isumalluuteqarfimmut kingunerisinnaasai *annikinnerussasut*, tamatuma peqatigisaanik pinaveersaartitsinermi iliuusissat aallartinneqareernerini kuuttoorsinnaanerup ilimanaateqarnera *annikitsumiit annikitsuaqqamut* naliliiffigineqarmata.

2.1.2 Ingerlatsineq

ATV-nut aqqusineq

Aqqusineq sananeqareerpat ATV-t, qamuteralaat, nunakkoortaatit sisamanik assakaasullit aamma bussit Unimog-it Sisimiut aamma Kangerluarsuk Tulliup akornanni angalasinnaalissapput. Angallattut killeqartorujussuusussaapput, aammalu piffissami angalaffiunerpaasumi ullup unnuallu ingerlanerani ATV-t amerlanerpaamik 15-it angalasarnissat naatsorsuutigineqarpoq. ATV-nut aqqusineq sananeqareerpat pinngortitami sumiiffiit qanittumiittut

mernguersarnermut atorneqarnerulernissaat ilimagineqarpoq. Sisimiut aamma Kangerluarsuk Tulliup akornanni ATV-nut aqqusineq sananeqartussaq annikitsuinnarmik aserfallatsaaliorneqarnissaa pisariaqassaaq.

Aqqusineq ujaraaqqanik qalligaq

Aqqusineq ujaraaqqanik qalligaq sananeqareerpat, ukioq 2030-mi Sisimiut aamma Kangerluarsuk Tulliup akornanni aqqusineq ukiumut qamutinit assakaasulinnit 2.300-t tikillugit atorneqartarnissaa naatsorsuutigineqarpoq. ATV-nut aqqusineqarallannerani qamutit assakaasullit atuisutut taaneqartut saniatigut ujaraaqqanik qallikkamik aqquserniornermi biilit nalinginnaasut, lastbiilit bussillu angalanissaannik ammaassisoqassaaq. Angallattut ukiumut assigiimmik agguarneqarpata, ullup unnuallu ingerlanerani qamutit assakaasullit agguaqatigiissillugit arfinillit – arfineq marluk aqqusinikkut angalasassapput .

Kangerlussuaq tikillugu ujaraaqqanik qallikkanik aqquserniortoqassappat, 2030-mi ukiumut qamutit assakaasullit 6.300-t aqqusineramik atuisarnissaat naatsorsuutigineqarpoq. “Piffissanut isorlerniittunut” naleqqiullugu aasaanerani angallannerup annertunerunissaa naatsorsuutigineqarmat, aammalu Sisimiut qanitaani (pingaartumillu sisorartarfiup Alanngorsuup eqqaani) angallannerup annertunerunissaa naatsorsuutigineqarmat, ajornerpaamik pisoqassappat, ullup unnuallu ingerlanerani angallavimmi biilit, bussit lastbiilillu, kiisalu ATV-t 15-it aqqusinikkoortassasut missiliuisoqarpoq. Angallannerit nalunaaquttap akunnerinut 14-inut agguaraanni, 2030-mi nalunaaquttap akunneranut agguaqatigiissillugu qamutit assakaasullit sisamat missaat angalasassapput.

Kommunimut pilersaarummut tapiliussami nr. 58-imi ammaassiffigineqartutut akunnittarfinnik illuaraqarfinnillu tamakkiisumik sanaartortoqassappat, angallannerit ilaqqissapput, tassalu ullup unnuallu ingerlanerani qamutit assakaasullit 18-it tikillugit angalasalissapput, agguaqatigiissillugu nalunaaquttap akunneranut ataatsimut qamutit assakaasullit ataatsip missaaniittut angalasassallutik. Tamatuma nassatarisaanik nalunaaquttap akunneranut qamutit assakaasullit angalasartut sisamat missaanniittut tallimanngussapput.

Aqqusineq ujaraaqqanik qalligaq ingerlaavartumik aserfallatsaalineqartartussaavoq, taamaattumillu ujaraaqqat ataavartumik pisariaqartinneqartussaapput, taakkulu ujaraaqqerivimmi annertunerusumi ataatsimi, imeqarfiup killeqarfiata avataani pilersinneqartumi pissarsiarineqartarsinnaapput.

Ingerlatsinermi avatangiisinut sunniutit

Matuma kinguliani aqquserniornermi ingerlatsinerup nalaani avatangiisinut sunniutissat annertunerit allaaserineqarput.

Tamanut tunngasut

ASN-imut naliliineq ataatsimut isigalugu naliliisoqarpoq, suliassaq ASN-imut nassuiaammi avatangiisit pillugit naliliiffigineqartunut annertuunik

sunniuteqarnerlussanngitsoq. Kisiannili aamma naliliisoqarpoq, aqquserniorneq mernguersarnissamut pissutsinut sunniutinik annertuumik pitsaassusilinnik kinguneqartussaasoq.

Taseq imeqarfik

ASN-imut nassuiaammi suliassap Sisimiuni imermut imigassamut sunniutissai pillugit avatangiisinut naliliinermut tunngavissatut ulorianartorsiorsinnaanermut misissueqqissaarnernik annertuunik suliaqartoqarpoq, tamatumalu kingorna sanaartornermi ingerlatsinermilu sunniutissat ajornerpaat eqqarsaatigineqarsinnaasut najoqqutassiorneqarput, tassanilu aqqusinnermi Tasermit imeqarfimmut 5-imut qaninnerpaami annertuumik uuliaarluertoqarnissaanut paasisat pineqarput.

Assersuutigalugu dieselimik 750 literimik (*Sisimiuni imeqarfiup killeqarfianut maleruagassat immikkut ittut pillugit Namminersorlutik Oqartussat nalunaarutaat nr. 9, 30. apriliimeersoq* naapertorlugu ullumikkut sisorartarfimmut Alanngorsuarmut assartorneqartartup annertoqatigipajaagaanik) kuuttoorsinnaaneq, najoqqutassiarineqartumi naatsorsorneqartoq, ajornerpaamik pisoqassappat (tassalu aqqusinnermi tatsimut imeqarfimmut qaninnerpaami sumiiffimmi naleqqutinngilluinnartumi kuuttoorneq, tamatumalu saniatigut anorip sarfallu sammivii naapertuutinngitsut), Tasermit imaqarfimmi 5-imi mingutsitsinerup nalunaaquttap akunnerisa marluk qaangiunnerini imermik imigassamik milluaavimmut annguttussaavoq. Aqqusernup sananeqarneranut atatillugu ASN-imut nassuiaammi kapitalimi 6-imi tamanna pillugu allaaserisaq tunngavigalugu pinaveersaartitsinnermi iliuusissanik aallartitsisoqassaaq, taamatullu tamanna aamma ASN-imut akuersissuteqarnermi matumani piumasaqaatit, immikkoortumi 4.2 *Ingerlatsinermut piumasaqaatit-ni* allassimasut aqquutigalugit maleruagassiuunneqarpoq. ASN-imut nassuiaat ataatsimut isigalugu naliliisoqarpoq, sanaartugassap sanaartornerup nalaani imermik imigassamik isumalluuteqarfimmut kingunerisinnaasai *annikinnerussasut*, tamatuma peqatigisaanik pinaveersaartitsinnermi iliuusissat aallartinneqareernerini kuuttoorsinnaanerup ilimanaateqarnera *annikitsumiit annikitsuaqqamut* naliliiffigineqarmata.

2.1.3 Matusineq

Matumani sanaartugaq piujuartussaq pineqarpoq, aammalu suliassamut nassuiaat aqqusernup peerneqarnissaanut pilersaarutini imaqaanngilaq, aammattaaq imm. 4.3-mi allassimasut takukkit.

2.2 Periarfissat allat

Suliap aallartinneraniilli aqquserniornissamut periarfissat, imeqarfiup killeqarfianik avaqutsiffiusut allat misissorneqartarsimapput

peerneqartarsimallutillu. Aqqutissatut toqqagag inaarutaasoq imeqarfiup killeqarfiata avataatigut aqquserniornermi aningaasartuutit amerlinissaasa, tassungalu atatillugu imeqarfiup killeqarfiata iluani avatangiisinik sunniisinnaanerp eqqarsaatigineqarnerata akornanni aaqqiissutissamik nassaarfiuvoq.

3 Suliassami tunngavissat

Sanatitsisup suliassami tunngavissarititai tassaapput suliassat/periusissat immikku itut, sanatitsisup suliassamik suliqaqarnermut ingerlatsinermullu atatillugu atussallugit pisussaaffigisai. Tunngavissat taakku sanatitsisup suliassamik ASN-imut nassuiaammi allaaserinninnerani nassaarineqarsinnaapput. Tunngavissat pingaarnert matuma kinguliani tabelimi issuarneqarput.

Tabeli 1: Tunngavissat, avatangiisinik naliliinernut aammalu ASN-imut akuersissuteqaqarnermut suliarineqartunut tunngavigineqartut.

Qulequtaq	Tunngavissaq	ASN-imut nassuiaammi immikkoortoq
ATV-nut aqqusineq	ATV-nut aqqusinermik, 3 m-inik silissusilimmik sanasoqassaaq. Tunngaviusumik taamaallaat aqquserniorfissami maniiinersarujussuit sivingasullu manissarneqassapput. Aqqusineq nunakkut sanaartorfigineqarsinnaatinnagu ujaqqanik napasunillu nalunaaqutsersorneqassaaq. ATV-nut aqqusineq nunami aalaakkaasumi sananeqassaaq. Imermut kuuttumut ataatigut kuuffilersuisoqassaaq, taamaallillunilu imeq kuuginnartoq aqqusineq napillugu kuunnissaa akuerineqarsinnaatinnagu aqqusinermut sunniisinaassanngilaq. Taamaallaat paarlaannissaq ajornartorsiorfiusoq naliliisoqarpat illuarfissanik sanasoqassaaq.	Immikkoortoq 4.3 Suliassamut nassuiaat
Tatsimut imeqarfimmut qaninnermi ATV-nut aqqusineq	Taseq imeqarfik sinerlugu ATV-nut aqquserniassaq uuliamut ussissumik allequtserneqassaaq, kiisalu aqqusernup innap eqqaaniittup illuatungaa tatsimut sammisoq nakkariarneqassaaq, katersuiffissamik kussineqassalluni. Tamatuma saniatigut ATV-nut aqqusernup aamma tatsip imeqarfiup akornanni siniliisoqassaaq nakkarnaveeqqusiisoqassallunilu.	Immikkoortoq 6.9 Imeq imigassaq – Pinaveersaartitsilluni suliniutit
Aqqusineq ujaraaqqanik qalligaq	Aqqusineq marlunnit ingerlavigineqarsinnaasoq, 2x3 m-inik silissusilik, illugiilluni 0,5 m-inik kussinilik sananeqassaaq. Sanaartornermi aqqusinermut “karsit” (aqqusineq qaarsumiinngippat), iluisigut imermut, aqquserniorfissaq aqqusaarlugu kuuttumut kuuffilikkat sananeqassapput. Kangerluarsuk Tullermut aqqusineq ammukariaq sangusaartumik sananeqassaaq, taamaallillunilu qummukariaa biilinit sivingavallaassanngilaq. Taamaattumik aqqusineq	Immikkoortoq 4.3 Suliassamut nassuiaat

	sangusaartoq aatsaat ATV-nut aqquernup ujaraqqanik qallerneqarnerani sananeqassaaq.	
Tatsimut imeqarfimmut qaninnermi aqqusineq ujaraqqanik qalligaq	Aqqusineq tatsimut imeqarfimmut qaninnerpaasussaq (200-300 meterinik takissusilik) nakkariarnilerlugu sananeqassaaq, taamaattumillu nunap qaaniit imeq aammalu sanaartornerup ingerlatsinerullu nalaani kuuttoorutaasinnaasut tatsimut imeqarfimmut kuunnatik kussinermut pinaveersaartitsiffimmut aamma/imaluunniit tasinnngortaliamut kuuttassapput, tassanngaaniillu tatsimit imeqarfimmiit Ulkebugten-imut kuuttumut akuleruttassalluni. Aqqusineq tatsip imeqarfiup tungaanut sinilerneqassaaq, taamaalillunilu annertunerusumik kuuttoortoqassappat, tatsimut toqqaannartumik kuuttoqarsinnaassanngilaq. Aqquernup tatsimut toqqaannartumik attuumaffiani (200-300 meterit missaanniittumi) aqquernup tatsillu akornanni nakkarnaveeqqusiisoqassaaq, taamaalillunilu qamutit assakaasullit tatsimut toqqaannartumik nakkarsinnaanerat annikillisinneqassaaq. Nakkarnaveeqqutit aqquernup sinaanut ikkunneqassapput. Taseq imeqarfik sinerlugu aqquerniormerimi aqqusineq geomembran-imik (allequtaq imermut ussissoq, polymert materialinik sanaaq) assigisaanilluunniit allequtserneqassaaq, taamaalillunilu uuliaarluertoqassappat kuunneri allequttamit milluarneqartassanngillat, tassanngaaniillu tatsimut imeqarfimmut kuuttassanatik. Aqqusineq aputinik ilioraavilerlugu sananeqassaaq, taamaattumillu aputit ilioqqakkat tatsimut kuuttassanngillat. Pisariaqartitsineq malillugu aput assartorlugu piiarneqartassaaq, apummullu piiakkamut inissiivik imeqarfiup killeqarfiata avataaniissaaq.	Immikkoortoq 6.9 Imeq imigassaq – Pinaveersaartitsilluni suliniutit
Angallanneq	Sisimiuniit Kangerlussuarmut aqquerniassap tamarmiusup sananeqarnissaa naatsorsuutigalugu angallannermi pissusiusussat naliliiffigineqarput. Angallannermi aputaajaasoqartassaaq, takornarianik assartuussisoqartassaaq, tassungalu ilanngullugu bussinik assartuussisoqartassaaq, ilisimatusartunik assartuussisoqartassaaq kiisalu najugaqartunik assartuussisoqartassaaq, tassungalu nioqqutissanik nutaanik inuussutissarsiutigalugu Kangerlussuarmut assartuussisarnerit ilaatinneqarput.	Immikkoortoq 8.1 Angallanneq Tunngavissat tunuliaquttallu

	Ukioq 2030-mi qamutit assakaasullit 6.300-t aqqusineramik atuisarnissaat naatsorsuutigineqarpoq. Ajornerpaamik pisoqassappat 2030-mi ullup unnuallu ingerlanerani qamutit assakaasullit 50-it (biilnut, bussinut lastbiilinullu 35-nut kiisalu ATV-nut 15-inut agguarlugit) aqqusineramik atuisassapput.	
Erngup akornuteqanngitsumik ingerlasinnaanera	Erngup akomusersorneqarani, soorlu masarsoqarfiit aqqusaarlugit kuunnissaa qulakkeerniarlugu erngup aqqusernup qaavatigut kuunnissaa akuerineqarsinnaatinnagu aqqusernup iluatigut ruujorinik kuuffiliisoqassaaq. Tamanna imeqarfiup killeqarfiata iluani immikkut atuuppoq, kisiannili aamma aqquserniorfissap sinnerani atuulluni. Aqqusernup iluatigut kuuffiit assersuutigalugu aqqusinermit “karsini” “Armco-rør”-it, erngup akornuteqarani kuuffigisinnaasai atornerqarsinnaapput. Aamma ATV-nut aqqusernup sananeqarnerani pisariaqartitsiviusuni aqqusernup iluatigut imermut kuuffiliisoqassaaq. Aqqusernup Imeqarfik 5-ip tungaanut kuuffimmi sananeqarnerani akuutissat avatangiisinut ajoqutaasut aqqusinermit kuutsinneqassappata, tatsimut toqqaannartumik kuussinnaajunnaarlugit aqqusineq sananeqassaaq.	Immikkoortoq 4.3 Suliassamut nassuiaat
Asfaltilersuineq	Asfalti Sisimiuni asfaltilorfimmi sananeqartarpoq aammalu lastbiilit uertartunik assersimasunillu (nillornissaanik pinaveersaartitsissutaasumik) usillit atorlugit assartorneqartarluni. Asfalti maskiinanut siaruarterisummut toqqaannartumik uertillugu kuineqartarpoq, tassanngaanniillu asfaltbetoni naammaattumik annertussusilik siaruarterneqartarpoq sulinermilu ataatsimi eqitsinneqartarluni. Asfaltip nillornissaata suliallu naammassinissaata tungaanut manissaasoqartarpoq. Asfalti imerpalasooq kuussinnaasooq atorlugu sulisoqartanngilaq. Imeqarfik sinerlugu aqqusineq asfaltilersorneqassappat, aatsaat aqqusineq ilusilerneqareerpat kussinerlu kuuffissaq naammassereerpat tamanna pisinnaavoq.	Immikkoortoq 4.3 Suliassamut nassuiaat
Aqqusinermiit erngup sitserunnera	Erngup nunap qaaniittup, aqqusinermit ujaraaqqanik qallikkamit kuuttartussap annikitsuararsuunera peqqutigalugu avatangiisinut kuutsitsiffissat kussinilersorneqassanngillat allatulluunniit ilusilerneqassanatik, imeq kuuttoq aqqusernup qanittuanut sitseruttartussammat. Tatsimut imeqarfimmut qaninnerpaaffiani nunap qaani imeq ATV-nut aqqusinermiit/aqqusinermit ujaraaqqanik	Immikkoortoq 4.3 Suliassamut nassuiaat

	qallikkamiit qaqqap tungaanut kussinermut katersuiffiusumut kuutsinneqartassaaq (tamanna pillugu immikkut allaaserisaq tabelimi matuma siulianiittumi takuuk).	
Qaartiterineq	Aqquserniorfissami sumiiffinni arlalinni qaarsunik qaartiterisoqarnissaa naatsorsuutigineqarpoq. Qaartiterutissat (ANFO-nik atuisoqassanngilaq), aqqusernup sangusaartup sananeqarneranut atorneqartussat katillugit 560 kg-nik oqimaassuseqarnissaat ilimagineqarpoq, taakkunanngalu 350 kg-t missaanniittut Flaskehalsen-imut atorneqassapput. Qaartiterinerit mianersortumik assersugaallutik ingerlanneqassapput. Tassalu ataasiarnermi killeqartuinnarmik qillerisoqartassaaq qaartitsisoqartassallunilu, suliallu tamarmik assersugaassapput. Qillerutit milluaasoqarput katersuivittaqlutillu. Qaarsut qaartiterlugit piiakkat aqquserniornermut atorneqassapput. Ujaqqat qaartiterineri piiarneqartut sinneqassagunik, aqquserniornermilu atoqqinneqarsinnaanngikkunik, sinneruttut sumiiffinnut toqqakkanut, aqqusernup qanitaaniittunut nalunaaqutersukkanut inissinneqassapput, aqqusernup aserfallatsaaliorneqarneranut atorneqarsinnaassallutik.	Immikkoortoq 4.3 Suliassamut nassuiaat
Aqquserniumut atortussanik katersuineq	Suliassami atortussat pisariaqartut pingaartumik aqquserniorfiusumi, aammalu aqqusernup eqqaani 30 m-it tikillugit silissusilimmi piiarneqassapput. Taakku saniatigut atortussanik ujaraaqqerivimmit, imeqarfiup killeqarfiata avataaniittumit aallertoqartassaaq.	Immikkoortoq 4.3 Suliassamut nassuiaat
Sumiiffinnik iluarsaasseqqinnerit	Aqquserniorfiup avataani atortussanik nutaanik piiaanissaq imaluunnit atortussanik atorneqanngitsunik ilioraanissaq pisariaqartinneqassappat, suliassat aallartinneqannginnerini sumiiffinni pineqartuni nunap qaava piiarneqassaaq. Tamatuma kingorna nunap qaava utertinneqassaaq, sapinngisamik aallaqqaammut isikkuanut assingutilerlugu iluarsineqassalluni.	Immikkoortoq 4.3 Suliassamut nassuiaat
Taseq imeqarfik sinerlugu qaqqap sivingarna	Taseq imeqarfik sinerlugu qaqqap sivingarna ukiut tamaasa misissorneqartassaaq, aammalu ujaqqanik qaarsunilluunniit katalersunik malussartoqarpat, taakku nakkartinneqassapput imaluunniit qajannaarsorneqassapput, taamaallunilu aqqusernup atorneqarsinnaanera innarlerneqassanngilaq ajutoortoqarsinnaaneralu annikillisinneqassalluni.	Immikkoortoq 6.9 Imeq imigassaq – Pinaveersaartitsilluni suliniutit
Imeq errortuutikoq	Imeq errortuutikoq imermut errortuutikumut nalunaarut, aammalu kommunip imermut	Immikkoortoq 11.3

	errortuutikumut malittarisassai sukkulluunniit atuuttut naapertorlugit passunneqartassaaq.	Nunap qaavani imeq, imeq errortuutikoq aamma nunap iluani imeq – Sanaartornermi sunniutissat.
Eqqakkat	Igitassat Qeqqata kommuniata eqqagassalerinermut malittarisassai naapertorlugit katersorneqartassapput isumagineqartassallutillu, aammalu suleriaaseq atuuttoq tunngavigineqassaaq, taannalu malillugu igitassat pinngortitamut ajoqusiissanngillat, aammalu aqqusernit, pisinnaat aqquaat, kussinerit pinngortitarlu eqqumaffigineqassapput. Aqqusernup ingerlanneqalerneranut atatillugu eqqakkanik katersuisarnermik aallartitsisoqassanngilaq, unittarfinnik assigisaannilluunniit sanasoqartussaannngimmat. Qeqqata Kommunia nakkutilliisuussaaq.	Immikkoortoq 12.4 Eqqakkat – Tunngavissat tunuliaquttallu, kiisalu Pinaveersaartitsilluni suliniutit

3.1 Suliassami piffissamut pilersaarut pingaarneq

Suliassami piffissamut pilersaarut pingaarneq una ASN-imut akuersissuteqarnermut tunngavigineqarpoq:

Tabeli 2: Sanaartugassamut piffissamut pilersaarutissat naatsorsuutigisaq, ASN-imut nassuiaammi takussutissiorneqartoq.

Suliassaq	Piffissaq
ASN-imut akuersissut pigineqarpoq	2022
Suliassamut neqerooruteqartitsineq	2022
Sanaartugassat ingerlanneqassapput/ATV-nut aqqusineq	2022
Sanaartugassat, aqqusinermi asfaltilersuineq/ujaraalersuineq	2022-2026

4 Akuersissut piumasaqaatitalik

Kapitali ASN-imut akuersissummi piumasaqaatinik imaqarpoq. Kapitali piumasaqaatinut pingaarnernut agguagaavoq, tassalu sanaartornermut ingerlatsinermullu piumasaqaatinut aamma matusinissamut piumasaqaatinut. Kapitali 5-imi piumasaqaatit tunngavilersorneqarput.

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup ASN-imut akuersissummi matumani piumasaqaatit malinneqarnersut nakkutigissavaa.

ASN-imut akuersissummi taamaalaat suliassap ASN-imut nassuiaammi allaaserineqartup sananeqarnissaanut ingerlanneqarnissaanullu tunngasuuvuq. Suliassat akuerisat saniatigut allannguisoqassappat (taakkununngalu akunnittarfinnik, illuaqqanik, Aasivissuit – Tasersuaq-p akornanni aqqusernup paarlattuanik il.il. sananissat ilaatinneqarput), tamatuma pinnginnerani Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmut qinnuteqartoqassaaq. Suliassamut nassuiaat iluarsisaq najoqqutassallu allat, allannguinnissamut attuumassuteqartut Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmut nassiunneqassapput, tamatumalu kingorna allannguutissat akuersissuteqarnissamut pisussaaffeqarfiunersut naliliisoqassaaq. Oqartussaasut allakkatigut akuersissuteqaqqaartinnagit allannguinnissat aallartinneqaqqusaanngillat.

4.1 Sanaartornissamut piumasaqaatit

Avatangiisinut pilersaarutit

- 1 Sanaartugassat aallartinneqannginnerini Qeqqata Kommunia suliassami avatangiisinut pilersaarummik suliaqassaaq. Avatangiisinut pilersaarummi allaaserineqassapput:
 - a) Uuliamik tunisassianik, kemikalianik aammalu akuutissanik avatangiisinut ajoqutaasunik tamanik kuuttoqarnissaanut sillimaniarnermi malitassat, taakkununngalu uninngasuuteqartarnermi pissutsit aammalu iliuusissat, ajutoortoqarneranut kuuttoortoqarneranullu atatillugu aallartinneqartussat ilaatinneqarput. Avatangiisinut pilersaarummi iliuusissat tamanut atuuttut saniatigut, aammalu aqqusinermi tatsimut imeqarfimmut qaninnerpaami ajutoortoqarnerani kuuttoortoqarneranilu iliuusissat immikkut ittut aalajangersarneqassapput (tak. ilusiliat 3 aamma 4).
 - b) Upalungaarsimanermi suliniutissat, imermik isumalluuteqarfimmut aamma/imaluunnit pilersuinerup isumannaassusianut ulorianartorsiortitsisumik ajutoortoqarnerani kuuttoortoqarneraniluunniit

erngerluni iliuuseqartoqarnissaanik qulakkeeriffiusut. Suliniutit aamma pissutsinut, ASN-imut akuersissummi matumani piumasaqaat 43-p kingunerisaanut atuutissapput.

- c) Uuliamik tunisassianik/kemikalianik/akuutissanik avatangiisinut ajoqutaasunik kuserartoornerit kuuttoornerilluunniit mingutsitsisinnaatillugit, ASN-imut nassuiaammi taakku pillugit paasissutissat malinneqassapput.
- d) Sanaartornerup nalaani akuutissanik avatangiisinut ajoqutaasunik, taakkunungalugu ikummatissat, uuliamik tunisassiat, kemikaliat, eqqakkat imerlu errortuutikoq ilanngullugit, passussinissamut pilersaarut. Pilersaarummi piumasaqaatit 17-29 naapertorlugit passussisoqarnissaa qulakkeerniarneqarpoq.
- e) Piffissat sanaartorfiusut akornanni entreprenørit maskiinaasa atortullu allat inissinneqartarneri uninngatinneqartarnerilu.
- f) Ujaqqanik aserorterut, taamaattumik atuinissaq kissaatigineqarpat, tassungalugu ilanngullugu inissiiffissaq, kiisalu aserorterutip *Namminersornerullutik Oqartussat nalunaarutaat nr. 11, 20. august 2004-meersoq Suliffeqarfiit mingutsitsivallaartut il.il. avatangiisinut tunngatillugu akuersissuteqarfigineqartarnerat pillugu-mut, ilanngussaq 1-imi aserorterutip *-imik nalunaaqutsikkatut allassimaffiani malittarisassat naammassisinnaappagu.*
- g) Suliassami sulisunut tammaarsimaarfiliisoqassappat taassuma inissiiffissaa (taamaallaat imeqarfiup killeqarfiata avataani pisinnaavoq).

Avatangiisinut pilersaarut Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmut akuerisassanngorlugi nassiunneqassaaq. Avatangiisinut Pilersaarut Naalakkersuisoqarfimmit akuerineqaaqqaartinnagu sanaartugassat aallartinneqassanngillat.

Aqquserniorneq

- 2 ATV-nut aqqusernup sananeqarnissaa sioqqullugu sanatitsisup ATV-nut aqqusernup inaarutaasumut pilersaarut Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmut saqqummiutissavaa, tassanilu allassimassapput:
 - a) Sumiiffik ATV-nut aqqusernup sananeqarnissaanut atortussanik piiiaffiusinnaasoq.
 - b) Illuarfissat kaajallaffissallu inissisimaffigisinnaasaat.

- c) Taseq imeqarfik sinerlugu aqquernup aqutigineqartarnera isumannaatsumik pisinnaanngippat, angallattunut aqutsissut atorineqartussa q taassumalu inissiffissaa allaaserineqassaaq, aammattaaq tak. *Sisimiuni imeqarfiup killeqarfiatigut aqqusineramik sananissamut ingerlatsinissamullu immikkut ittumik akuersissuteqarneq-mi piumasaqaat 15.*
- d) Suliniutit, erngup katitigaaneramik qulakkeerisussat, suliniutit taakku sumi qanorlu ingerlanneqarneri allallugu. Tassani aqquernup ataatigut ruujorilersuinissaa il.il. pineqarpoq.
- e) ATV-t aqquernermit tatsimut imeqarfimmut kuuttut qanoq ililluni suliarineqarsinnaanersut, akuutissanik avatangiisinut ajoqutaasunik (tassungalu uuliamik tunisassiat, kemikaliat il.il. ilanngullugit) kuuttoortoqassappat tatsimut imeqarfimmut toqqaannartumik kuuttoqarsinnaanerata pinngitsoortinnissaa siunertarlugu.
- f) Biilit unittarfiata sisorartarfimmut Alanngorsuarmut atasup inissiffissaa ilusissaa.

ATV-nut aqqusinermit pilersaarut Nunalerinermit, Imminut Pilersornermit, Nukissiutitut Avatangiisinullu Naalakkersuisoqarfimmit akuerineqaaqartinnagu, ATV-nut aqqusineq sananeqarluni aallartinneqassanngilaq.

- 3 Aqqusineq ujaraaqqanik qalligaq sananeqarluni aallartinneqannginnerani sanatitsisup aqquernup ingerlaffissaanut pilersaarut inaarutaasoq Nunalerinermit, Imminut Pilersornermit, Nukissiutitut Avatangiisinullu Naalakkersuisoqarfimmut saqqummiutissavaa, tassanilu allanneqassapput:
 - a) Aqquernup allequtassaata aamma aqqusinermit “karsit” iniffissaasa nassuiarneqarneri.
 - b) Illuarfissat kaajallaffissallu inissisimaffigisinnaasaat.
 - c) Sumiiffinni aqqusinermit ingerlaffissat marlunngorlugit sananeqarsinnaatinnagit (ingerlaffissap aminnera peqqutigalugu), ingerlaffissap ataasiinnanngortinneqarnerani (tatsip imeqarfiup eqqaani) angallattunik aqutsissutit pillugit nassuiaatit inissiffissallu, aammattaaq tak. *Sisimiuni imeqarfiup killeqarfiatigut aqqusineramik sananissamut ingerlatsinissamullu immikkut ittumik akuersissuteqarneq-mi piumasaqaat 15.*


- d) Sumiiffiit atortussanik (qaarsuniit ujaqqanik/sioqqanik/issumik il.il. katersuiffissat ilioraaffissallu, sumiiffinnut taakkununga aqqusernit atorallagassat piujuartussallu ilanngullugit allaaserineqarneri.
- e) Sumiiffiit qaartiterinissamik pisariaqartitsiviusut, aammalu ujaqqanik qaartiterlugit piiarneqarsimasinnaasunik inissiiffissanik pisariaqartitsiviusut.
- f) Suliniutit, erngup katitigaanerani qulakkeerisussat, suliniutit taakku sumi qanorlu ingerlanneqarneri allallugu. Tassani aqqusernup ataatigut ruujorilersuinissaq il.il. pineqarpoq.
- g) ATV-t aqqusernermiit tatsimut imeqarfimmut kuuttut qanoq ililluni suliarineqarsinnaanersut, akuutissanik avatangiisinut ajoqutaasunik (tassungalu uuliamik tunisassiat, kemikaliat il.il. ilanngullugit) kuuttoortoqassappat tatsimut imeqarfimmut toqqaannartumik kuuttoqarsinnaanerata pinngitsoortinnissaa siunertaralugu.
- h) Aqqusernermi tatsimut imeqarfimmut qaninnerpaami aputaajaanissamut aputinillu inissiiffissanut pilersaarutit, taamaalilluni akuutissanik avatangiisinut ajoqutaasunik (tassungalu uuliamik tunisassiat, kemikaliat il.il. ilanngullugit) tatsimut imeqarfimmut kuuttoqannginnissaa qulakkeerneqassalluni.
- i) Tatsimut imeqarfimmut qaninnerpaami aqqusineq sinerlugu kussinerup katersuiffiup, kiisalu kussinermi katersuiffiusumiit tatsimut imeqarfimmut kuuffiup qanoq issusianik atorneranillu ukiumoortumik nakkutilliinissamut pilersaarut, tassungalu ilanngullugu kussinerup katersuiffiup atorsinnaanerata qanoq iliorluni qulakkeerneqarsinnaanera, taamaalillunilu kussinermi katersuiffimmiit erngup akornuteqanngitsumik kuussinnaanera qulakkeerneqassanersoq allaaserineqassaaq.

Aqqusernup ujaraaqqanik qallikkap sananeqarnissaa Naalakkersuisoqarfik aqqusernup ujaraaqqanik qallikkamut pilersaarummik akuersiteqqaarnagu aallartinneqassanngilaq.

- 4 Aqqusernup (ATV-nut aqqusineq aamma aqqusineq ujaraaqqanik qalligaq) sananeqarnerani uuliamik tunisassiat, kemikaliat imaluunniit qamutinit assakaasulinnit ikummatissaq tasermut imeqarfimmut

sunniuteqarsinnaajunnaarsinneqassapput, tassanilu sanaartornissamut tunngavissat, tabeli 1-imi allassimasut malinneqassapput.

- 5 Taseq imaqarfik sinerlugu aqqusineq (ATV-nut aqqusineq aamma aqqusineq ujaraaqqanik qalligaq) ilusiliaq 5-imi allassimasut naapertorlugit sananeqassaaq.



Ilusiliaq 5: Taseq imeqarfik sinerlugu aqqusernup sananeqarnissaa.

- 6 Qaartiterinerni ANFO atorineqassaanngilaq.
- 7 Tatsimit imeqarfimmiit 300 meterit tikillugit ungasissusillip iluani qaartiterisoqassaanngilaq.
- 8 Imeqarfimmut killeqarfiup iluani qaartiterinerni assersuisoqassaaq milluaasiisoqassallunilu.
- 9 Erngup katitigaanerata akornuserneqannginnissaa qulakkeerneqassaaq. Aqqusernup sananeqareernerani tatsip qaavata sarfarnerrata aamma atorsinnaanissaa qulakkeerneqassaaq. Assersuutigalugu aqqusernup iluatigut ruujorilersuinikkut, aammalu erngup aqqusineq sinerlugu kuunneratigut nunakkut ingerlaqqissinnaanissaanik qulakkeerinikkut tamanna pisinnaavoq.
- 10 Aqqusernup sananeqarnerani puilasut kuuillu minnerit aqqusaarneqassappata, masarsoqarfinniit kuuttussat annikinnerpaamik sunniuteqarfigineqarnissaat qulakkeerneqassaaq.
- 11 Kulturip oqaluttuarisaaneranut tunngasunik nassaartoqassappat sunniinissaa pinngitsoortinniarlugu, aqqusernup sananeqarnerani nalunaarusiami "Heritage impact assessment of the nature road between Sisimiut and Kangerlussuaq"-i innersuussutit malinneqassapput.

Atortussanik piiaaaneq

- 12 Aqquserniornermut atortussanik piiavinnik inissiiffinnillu imeqarfiup killeqarfiata iluani pilersitsisoqassaanngilaq.
- 13 Aqquserniorfiup avataani atortussanik piiaffiugallartussanik pilersitsisoqassappat, issut, issuatsiaat naasullu pioreersut sapinngisamik allanngutsaaliorneqassapput, imaluunniit nunamik iluarsaasseqqinnissamut

atugassatut passunneqassapput uninngasuutigineqassallutillu (tak. piumasaqaatit 30-33).

- 14 Qaartiterinermi ujaqqat qaartitikkat sinneruttut aqqusineq sinerlugu taassumalu qanitaani sumiiffinnut toqqakkanut inissinneqassapput avatangiisinullu naleqqussarneqassallutik, aammalu tatsimit imeqarfimmiit minnerpaamik 300 meterinik ungasissusilimmut inissinneqassapput.

Sanaartornerup nalaani angallanneq

- 15 Imeqarfiup killeqarfiata iluani qamutit assakaasullit taamaallaat aqquserniap tungaanut angallassinnaapput sulisinnaallutillu, aammalu aqqusernup sananeqarnera (ATV-nut aqqusineq aamma aqqusineq ujaraaqqanik qalligaq) annertoqatigiikkaat tullerriaarlugit ingerlanneqassaaq.
- 16 Maskiinat oqimaatsut atorlugit angallannermi taamaallaat suliffissatut aqquserniat uniffissiallu atorneqarsinnaapput.

Sanaartornerup nalaani kemikalianik, uulianik tunisassianik, eqqakkanik imermillu errortuutikumik passussisarnerit

- 17 Tunisassiat angerlarsimaffinni eqqiaanermut, igaffinnut, perusersartarfinnut, errorsisarfinnut il.il. atorneqartut tamarmik avatangiisinut mingutsitsisuussanngillat aammalu avatangiisinut mingutsitsinngitsutut nalunaaqutsigaassallutik (EU-Blomsten, Svanemærket assigisaalluunniit). Suliassat piumasaqaammik malinniffiusut kisimik imeqarfiup killeqarfiata iluani ingerlanneqarsinnaapput.
- 18 Imeq errortuutikoq (mingunnginnerusoq minguttorlu), nerisassiornermit, atisanik errorsinermit, uffarnermit anartarfinniillu (kuuffitsigut kuuttoq) kuutsinneqartoq katersorneqassaaq, aammalu kommunimi eqqagassalerinermut malittarisassat atuuttoq naapertorlugu peerneqassalluni. Tunngaviusumik suliassat piumasaqaammik malinniffiusut kisimik imeqarfiup killeqarfiata iluani ingerlanneqarsinnaapput. Kisiannili imeqarfiup killeqarfiata iluani sanaartornermi sulisut atugassaattut perusersartarfimmik angallattakkamik inissiisoqarsinnaavoq. Tamanna pissappat, ilaatigut avatangiisinut pilersaarut malinneqassaaq, tak. akuersissummi matumani piumasaqaat d): Piiaanissamut nassuiaat aamma – imermik errortuutikumik imaarsisarnerup akulikissusia, isumannaatsumik inissiinissaq, paarnaarsisarneq, allagartalersuineq il.il.
- 19 Igitassat manngertut tamarmik aamma uuliamik tunisassiat tamarmik piumasaqaatit 20-29-mi allassimasut naapertorlugit passunneqartassapput.
- 20 Maskiinat sanaartornermut atortut il.il. tunngaviusumik imeqarfiup killeqarfiata iluani uninngateqqusaanngillat aamma/imaluunniit ikummatissanik, uuliamik tunisassianik kemikalianillu immeqqusaanngillat.

Kisiannili Imeqarfik 5 (Sisimiuniit isigalugu) saneqqullugu puussat CE-mik nalunaaqutsikkat atorlugit ikummatissamik sanaartornermut maskiinanut assartuussisoqarsinnaavoq, *Sisimiuni imeqarfiup killeqarfiatigut aqqusinermik sananissamut ingerlatsinissamullu immikkut ittumik akuersissuteqarneq-mi* piumasaqaatit 13 aamma 14 naapertorlugit orsersuinissaq siunertaralugu. Aamma maskiinat sanaartornermut atortut Imeqarfik 5 qaangerlugu uninngatinneqarsinnaapput. Pissutsini marluusuni minnerpaamik avatangiisinut pilersaarut malinneqassaaq, tak. akuersissummi matumani piumasaqaatit 1 d) aamma 1 e), tassanilu avatangiisit isumannaallisaaernerlu eqqarsaatigalugit qanoq iliorluni isumannaatsumik orsersortoqarsinnaanersoq unittoqarsinnaanersorlu allassimasoq, tassungalu ilanngullugu qanoq iliorluni userartoorinissap pinaveersaartinneqarnissaanut periaasissat allaaserineqarput.

- 21 Ikummatissanut tankeqarfiit qaleriinnik iigaqassapput. Taamaanngippat tankeqarfik userartorfimmut, imaluunniit allequttamut pitarneqarsinnaanngitsumut, minnerpaamik tankip annerpaap imarisinnaasaanik katersuiffittalimmut ilineqassaaq. Tankeqarfik manissumik panertumilu allequtalimmut inissinneqassaaq aporneqarnissamullu isumannaallisagaassalluni. Tankeqarfik nammineerluni matusaammik ulikkaartoornermullu kalerrisaarummik pilerneqarsimassaaq. Tankeqarfik imeqarfiup killeqarfiata iluanut inissinneqaqquusaanngilaq.
- 22 Imerpalasut, akuutissanik avatangiisinut ulorianaatilinnik akullit, taakkununnгалu ilaatigut saffiugassat oqimaatsut, kemikaliat, ikuallajasut, qaartuujasut imaluunniit radiup qinngornerinik akullit ilanngullugit, katersorneqassapput, taakkulu imermut errortuutikumut ilanngullugit kuutseqquusaanngillat. Imerpalasut taamaattut igitassatut ulorianaatilittut paassunneqassapput, aammalu puussanut ussissunut, userartorfimmut imaluunniit allequttamut pitarneqarsinnaanngitsumut, minnerpaamik tankip annerpaap imarisinnaasaanik katersuiffittalimmut ilineqartumut immiunneqassallutik. Puussat aporneqarnissamut isumannaallisagaassapput. Puussat kommunimi eqqagassalerinermut malittarisassat atuuttut naapertorlugit iginneqartassapput. Puussat imerpalasunik, piumasaqaammi matumani allaaserineqartunik imallit imeqarfiup killeqarfiata iluani uninngateqqusaanngillat.
- 23 Igitassat sumiiffimmi ikuallanneqassanngillat nunamulluunniit assanneqassanngillat, tamaangaannaq iginneqassanngillat siaruarterneqassanatillu, taakkununnгалu kuuit, tatsit imarlunniit ilaatinneqarput. Igitassat tamarmik katersorneqassapput aammalu maleruagassat atuuttut, taakkununnгалu kommunip eqqagassalerinermut maleruagassai ilanngullugit, naapertorlugit eqqarneqassallutik.
- 24 Nerisat sinnikui puussanut matulinnut, niviukkanut/uumasunut isumannaallisakkanut (soorlu eqqaavinnut nannunut teriannissanullu

isumannaallisakkanut) ikiorarneqassapput, aammalu maleruagassat atuuttut, taakkunungalugu kommunip eqqagassalerinermut maleruagassai ilanngullugit, naapertorlugit eqqarneqassallutik.

- 25 Igitat uuliat imaluunniit uulianik akullit puussanut ussissunut matulinnut, minnerpaamik puussap annerpaap imaanik imaqarsinnaasunik userartorfimmiittunut imaluunniit ussissunik allequtalinniittunut immiunneqassapput. Puussat aporneqarnissamut isumannaallisagaassapput. Igitassat piffissap sanaartorfiusup naanissaata tungaanut kommunimi eqqagassalerinermut malittarisassat atuuttut naapertorlugit iginneqartassapput. Imeqarfiup killeqarfiata iluani sulinermi ullormoortumik eqqaasoqartassaaq (tassalu kingusinnerpaamik ullup suliffiusup naanerani).
- 26 Qisuit pappiaqqanillu tunisassiat mingoqanngitsut uninngatinneqartassapput, aammalu sumiiffimmiit kommunip tigooqqaavianut assartorneqartassallutik.
- 27 Eqqakkat ulorianaatillit, saffiugassanik oqimaatsunik, atortunik toqunartortalinnik akuutissanillu ulorianaatilinnik allanik akullit, kommunimi eqqagassalernermut malittarisassat atuuttut naapertorlugit iginneqartassapput. Eqqakkanik uninngatitsinermi assartuussinermilu eqqakkat puussanut ussissunut matulinnut ikineqartassapput. Imeqarfiup killeqarfiata iluani sulinermi ullormoortumik eqqaasoqartassaaq (tassalu kingusinnerpaamik ullup suliffiusup naanerani).
- 28 Atortut ikuallanneqarsinnaanngitsut, taakkunungalugu atortut atorunnaartut ikummatissamullu puut imaqanngitsut ilanngullugit, piffissap sanaartorfiusup naanissaata tungaanut kommunimi eqqagassalernermut malittarisassat atuuttut naapertorlugit iginneqartassapput. Imeqarfiup killeqarfiata iluani sulinermi ullormoortumik eqqaasoqartassaaq (tassalu kingusinnerpaamik ullup suliffiusup naanerani).
- 29 Issaq mingutsinneqarsimasooq katersorneqassaaq, aammalu maleruagassat atuuttut, tassungalugu kommunip eqqagassalerinermut maleruagassai naapertorlugit isumagineqassaaq aammalu piffissap sanaartorfiusup naannginnerani peerneqassalluni. Imeqarfiup killeqarfiata iluani kuuttoortoqarpat, issaq mingutsinneqartoq erngerluni assersorneqassaaq, assallugu piiarneqassaaq aammalu ullup suliffiusup naannginnerani peerneqassalluni. Tamatuma peqatigisaanik kuuttuukkat peerneqarnerat, taamaalillunilu mingutsitat sinnerisinnaasaasa siaruarsinnaajunnaarnerat uppersarneqassaaq.

Aqquserniaagallartunik iluarsaasseqqinneq

- 30 Sanaartornerup naammassinerani aqquserniap avataani piiaviugallartunut aqquserniaagallartut iluarseqqinneqassapput.

- 31 Piffissami sanaffiusumi issunik/issuatsiaanik/naasunik toqqorsigallartoqarsimappat, aqquernaagallarsimasumut sorlaat matullugit naaqqissinnaalersillugillu inisseqqinneqassapput/ikkussoqqinneqassapput. Iluarsaasseqqinnermi kussiniusinnaasut immerneqarnissaat, aammalu naggorissaatinik akoorinissaq qulakkeerneqassapput, taamaalillunilu “naatitassat nutaat” nunap portussusiini ilutsit, sivingassutsit, ujaqqat angisuut mikisullu katitigaaneri, sioqqat il.il. eqqarsaatigalugit assingussallutik, taamaalillunilu avatangiisinut qanittunut pinngortitamullu ikaarsaarnertit nalinginnaasutut isikkoqassallutik. Naggorissaasoqassanngilaq allanillu ikkussuisoqassanani. Piffissami iluarseeqqiffiusumi nunaminertani avatangiisini naasoqareersuni qamutit assakaasullit atorlugit angalasoqassanngilaq. Iluarseeqqinnerup kingorna nunaminertani iluarseeqqiffiusuni qamutit assakaasullit atorlugit angalasoqassanngilaq.
- 32 Sulinermut aqquernaagallartut ataasigut kuuffiliisoqarsimappat taakku piiarneqassapput, taamaalillunilu erngup kuuffia isorartussusialu pilerseqqinneqassapput.
- 33 Suliat naammassisat assilisat atorlugit uppersarsarneqassapput, uppersarsaatillu Nunalerinermit, Imminut Pilersornermit, Nukissiutitut avatangiisinullu Naalakkersuisoqarfimmut nassiunneqassapput.

4.2 Ingerlatsinermit piunasaqaatit

Piunasaqaatit tamanut atuuttut

- 34 Suliaqarfimmi eqqaanilu angallatit motoorillit atorlugit angallannermi asimi angallannermit kommunip malittarisassai aamma *Sisimiuni imeqarfiup killeqarfiatigut aqqusinermit sananissamut ingerlatsinissamullu immikkut ittumik akuersissuteqarneq* malinneqassapput (tak. ASN-imut akuersissummi matumani immikkoortoq 1.4.2).
- 35 Imeqarfiup killeqarfiata iluanut eqqakkanik qimatsisoqassanngilaq, kemikalianik, uuliamik tunisassianik aamma/imaluunniit ataatsimut isigalugu akuutissanik avatangiisinut ajoqutaasunik uninngatitsisoqassanngilaq assartuisoqassanani luunniit. Kisiannili *Sisimiuni imeqarfiup killeqarfiatigut aqqusinermit sananissamut ingerlatsinissamullu immikkut ittumik akuersissuteqarneq-mi piunasaqaat 14-im* innersuussutit naapertorlugit ikummatissanik nammeneq atugassanik assartuussisoqarsinnaavoq (uninngatitsisoqassanngilarli). Imeqarfiup killeqarfiata iluani taamaallaat sisorartarfiup Alanngorsuup eqqaani biilnut unittarfittut ilusilersugaasumi biilnik uninngatitsisoqarsinnaavoq.
- 36 Angallavimmi, kitaaniit (Sisimiuniit) kangianiillu (Kangerlussuarmit) imeqarfiup killeqarfianut apuunnermi killeqarfiup isaariai, kiisalu

sisorartarfiup Alanngorsuup eqqaani biilit unittarfiat nalunaaqutserlugit allagartaliisoqassaaq. Allagartaliussani uku ersarissumik allassimassapput:

- Taamaallaat aqqusinikkut angalasoqarsinnaasoq.
- Imeqarfiup killeqarfianut isernermiit (Sisimiuniit isigalugu) taseq imeqarfik saneqqullugu, sisorartarfi Alanngorsuaq saneqqullugu aqqusinermi killiffik tikillugu sukkassuseq 25 km/t-ussasoq (tak. ilusiliaq 3).
- Eqqakkat, kemikaliat, uuliamik tunisassiat ikummatissallu eqqarsaatigalugit suut inerteqqutaannginnersut suullu inerteqqutaanersut (tak. piumasaqaat 35).
- Oqarasuaatip normua (ulloq unnuarlu ammasoq) ajutoortoqarnerani/kuuttoortoqarnerani imaluunniit taamaattoqarneranik takunnittoqarnerani Qeqqata Kommunianut/upalungaarsimanermi oqartussaasunut attaveqarfiusinnaasoq.

Allagartat Qeqqata Kommunianit aserfallatsaalineqassapput.

37 Taseq imeqarfik sinerlugu aqqusinermut uku immikkut ittumik atuutsinneqassapput:

- Tassani aqqusineq saneqquffissalittut sananeqarsinnaanngippat angallattunut aqutsissummik ikkussisoqassasoq (tak. piumasaqaatit 2c aamma 3c).
- Aqqusinermi tatsimut imeqarfimmut qaninnermiittumi illugiinnik allagartaliisoqassasoq, minnerpaamik paasissutissanik, piumasaqaat 36-mi allassimasunik ersarissumik allassimasunik.
- Kommuniip ullormoortumik killiffiit nakkutigisassagai nalunaarsortassagaalu. Akuersissummi matumani upalungaarsimanermut pilersaarutip, tak. piumasaqaat 43 b) naammassineqarnissaanut ilagitillugu kommunip nakkutilliineq qanoq iliorluni naammassineqartarnersoq nassuiaatigissavaa.

Angallattunik aqutsissutit allagartallu Qeqqata Kommunianit aserfallatsaalineqassapput.

38 Aqqusernup iluatigut kuuffiliisoqarsimappat, taakku akulikitsumik aserfallatsaalineqartassapput, taamaalillutillu kinnerit atortullu

arrorsinnaasut piiarneqartassapput, aammalu sukkulluunniit atorsinnaassallutik.

- 39 Tatsip imeqarfiup qaqqartaata sivinganerani ujaqqat qaarsullu katassimasut nakkaasinnaajunnaarlugit isumannaarneqassaaq.
- 40 Sumiiffinni aqqusinnermut atortussanut, siunissami aqqusernup aserfallatsaalineqarnissaanut atorneqartussatut pilersaarutigineqartunut uppersaatinik Nunalerinnermut, Imminut Pilersorinnermut, Nukissiutitut Avatangiisinullu Naalakkersuisoqarfimmut nassiussisoqassaaq. Uppersaatatit sinneruttut annertussusaannut aammalu piffissamut piiaaffiup atorneqarfissaatut naatsorsuutigineqartumut missingiutunik, kiisalu sumiiffiup atorneqareernerani iluarseeqqinnissamut pilersaarummik imaqaassaaq. Atuereernermi sumiiffik piumasaqaatit 30-33-mi allassimasut malillugit iluarseeqqinneqassaaq.
- 41 Nunalerinnermut, Imminut Pilersorinnermut, Nukissiutitut Avatangiisinullu Naalakkersuisoqarfik ukiumut ataasiarluni Qeqqata Kommuniianiit sumiiffiup qamutunik assakkaasulinnik angallavigineqarneranik nakkutilliineq pillugu nalunaarusiamik tigusaqartassaaq. Nalunaarusiorinnermut ilagitillugu Naalakkersuisoqarfiup aqqusinnermik tatsimut imeqarfimmut qaninnermiittumik kommunip nakkutilliinermini ullormoortumik nalunaarsugai apeqqutigisinnaavai.

Ingerlatsinerup nalaani upalungaarsimanermut pilersaarut

- 42 Kommuni Sisimiuni upalungaarsimasunik, ajutoortoqassappat / kuisoortoqassappat tamatuma kingorna isumaginnissinnaasumik saliisinnaasumillu annertusaassaaq.
- 43 Aqqusernup ingerlanneqalernissaa sioqqullugu Qeqqata Kommunia upalungaarsimanermut pilersaarummik suliaqassaaq, tassanilu minnerpaamik allassimassapput:
- a) Akuutissanik avatangiisinut ajoqutaasunik (uuliamik tunisassianik il.il.) kuuttoornissamut iliuusissat, taakkunungalu uninngatitsinerni pissutsit iliuusissallu, ajutoortoqarneranut kuuttoqarneranullu atatillugu mingutsitsinissaq pinaveersaartinniarlugu killilersorniarlugulu aallartinneqartussat ilaatinneqarput.
 - b) Aqqusinnermi tatsimut imeqarfimmut qaninnermi ajutoortoqarnissaanut kuisoortoqarnissaanullu iliuusissat immikkut ittut, tassungalu sila peqqutigalugu aqqusinnermik matusisinnaaneq ilaatinneqarpoq.
 - c) Pigaartunut pilersaarut piffissallu qisuariarfissat, tassungalu pisoqartillugu imermik milluaaviup erngerluni matuneqarnissaanik

aammalu tatsimut sillimmataasumut nuussisoqarnissaanik
qulakkeerinissaq ilaatinneqarpoq.

- d) Atortut inuttallu atugassaritinneqartut, tassungalu atortut inissisimaffii
ilaatinneqarput.

Qeqqata Kommuniata upalungaarsimanermut pilersaarummik
suliaqarnermini sullissisut attuumassutillit (soorlu Nukissiorfiit il.il.)
akuutissavai. Upalungaarsimanermut pilersaarut aqquernup
ingerlanneqarnerata aallartinneraniit kingusinnerpaamik qaammatit pingasut
qaangiunnerini Nunalerinermut, Imminut Pilersornermut, Nukissiutitut
Avatangiisinullu Naalakkersuisoqarfimmut akuerisassanngorlugu
nassiunneqassaaq.

**Ingerlatsinerup nalaani kemikalianik, uuliamik tunisassianik, eqqakkanik
imermillu errortuutikumik isumagisaqarneq**

- 44 Imerkik errortuutikumik imeqarfiup killeqarfiata iluani
kuutsitsisoqassanngilaq.
- 45 Biilit unittarfianni, sisorartarfimmut Alanngorsuarmut atasumi igitassat
kommunimi eqqagassalerinermut malittarisassat atuuttut naapertorlugit
eqqarneqartassapput.
- 46 ASN-imut akuersissummi matumani piumasaqaatit aamma *Sisimiuni
imeqarfiup killeqarfiata iluani aqqusinermik sananissamut
ingerlatsinissamullu immikkut ittumik akuersissut-mi piumasaqaatit
apeqqutaatinnagit, sisorartarfimmut Alanngorsuarmut atatillugu sulii
ikummatissanik, Sisimiuni imeqarfiup killeqarfianut maleruagassat
immikkut ittut pillugit Namminersorlutik Oqartussat nalunaarutaanni nr. 9-
mi, 30. april 2015-meersumi § 6, imm. 4-5-imi allassimasutut
annertussusillit assartorneqarsinnaapput uninngatinneqarsinnaallutillu.*
- 47 Imeqarfiup killeqarfiata iluani kuuttoortoqarpat, mingutsinneqartoq
erngerluni assersorneqassaaq, assallugu piiarneqassaaq aammalu
maleruagassat atuuttut, taakkununnngalu kommunip eqqagassalerinermut
maleruagassiai ilanngullugit, naapertorlugit eqqakkatut ulorianartutut
peerneqassallutik. Tamatuma peqatigisaanik nunap mingutsitap
peerneqarnera, taamaalillunilu mingutsitat sinnerisinnaasaasa
siaruarsinnaajunnaarnerat uppersarsarneqassaaq.
- 48 Ingerlatsinerup nalaani Qeqqata Kommunian aqqusinermi, tatsimut
imeqarfimmut qaninnerpaamiittumi aputaajaasarnissamut pilersaarusiussaaq,
tassanilu akuutissat avatangiisinut ajoqutaasut tatsimut imeqarfimmut
kuutsinneqannginnissaat qulakkeerneqassaaq. Pilersaarutip minnerpaamik
imarissavai:

- Aputinut inissiiffiit.
- Tatsip imeqarfiup tungaanut qaqqap sivingarnata eqqaani kussinerup katersuiffiup aputaajarneqartarnera, tassunga aattulernerani iliuusissat ilanngullugit.
- Aqqusernup qanoq iliorluni atorsinnaassusianik (taakkununga siniliussat, aqqusernup uinganeri kussinerlu katersuivik ilanngullugit) ingerlatsiinnarnissamut, aammalu aputaajaanerup kingunerisaanik ajoqusertoqarnissaanut sillimmasiissutitut nassuiaat.

Pilersaarut aqqusernup ingerlanneqarnerata aallartinneqarneraniit kingusinnerpaamik qaammatit pingasut qaangiunnerini Nunalerinermut, Imminut Pilersornermut, Nukissiutitut Avatangiisinullu Naalakkersuisoqarfimmut nassiunneqassaaq.

4.3 Matusinissamut piunasaqaatit

- 49 Aqqusernup ingerlanneqarnera unitsinneqarpat, aqqusernup atorunnaarnissaa kingusinnerpaamik ukiumik ataatsimik sioqqullugu Qeqqata Kommunia aqqusernup piiarneqarnissaanut sumiiffiullu iluarseqqinneqarnissaanut, taamaalillunilu aallaqqaammut pissusiatut ilerseqqinneqarnissaanut pilersaarummik suliaqassaaq.

Matusinissamut pilersaarummi sumiiffiit pineqartut qanoq qimanneqassanersut, aammalu matusinermut, kiisalu matusereernermut atatillugu pinngortitaq avatangiisillu qanoq ilillutik qulakkeerneqassanersut nassuiarneqassaaq. Matusinissamut suliaassat aallartinneqannginnerini matusinissamut pilersaarut Nunalerinermut, Imminut Pilersornermut, Nukissiutitut Avatangiisinullu Naalakkersuisoqarfimmit akuerineqassaaq.

5 Piumasaqaatinut aalajangersarneqartunut tunuliaquttat tunngavilersuutillu

Tabelimi matuma kingulianiittumi sanaartugassami matumani ASN-imut akuersissummi piumasaqaatit aalajangersarneqartunut tunuliaquttat tunngavilersuutillu allaaserineqarput. Piumasaqaatini ASN-imut nassuiaammi pinaveersaartitsissutissatut siunnersuutigineqartut tunngavissallu suliasap avatangiisinut sunniutissaanut killilersueqataasussatut allaaserineqartut tunngavigineqarput. Kiisalu ASN-imut akuersissummi piumasaqaatinut piumasaqaatit arlallit, nalinginnaasumik sanaartukkat ASN-iliornissamut pisussaaffeqarfiusut pillugit ASN-imut akuersissuteqarnermi piumasarineqartartut tunngavigineqarput. Taamatuttaaq matumani piumasaqaatit, tusarniaanermi akissuteqaatinik, oqartussaasunit allanit oqaaseqaatinik imaluunniit ASN-imut nassuiaammi, sanatitsisup pinaveersaartitsissutissanik siunnersuuteqarfiginngisaani, kisiannili avatangiisinut annertuumik sunniuteqarnerluttoqarnissaa pinngitsoortinniarlugu Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmit pisariaqartutut isiginniffigisaanni pissutsit tunngavigalugit piumasaqaatinik tunngaveqarsinnaapput.

Tabeli 3: ASN-imut akuersissuteqarnermi matumani piumasaqaatinut ataasiakkaanut tunngavilersuutit.

Piumasaqaat normu	Tunngavilersuut
1	Avatangiisinut pilersaarummi piumasaqaatini sanaartornermi suliasat aallartinnginnerini ajutoornerit/kuuttoornerit pinngitsoortinneqarnissaat qulakkeerneqassaaq. Taamaakkaluartoq ajutoortoqarpat kuuttoortoqarpalluunniit tamatuma peqatigisaanik avatangiisinut pilersaarummi kuuttoornissamut aamma/imaluunniit ajutoornissamut il.il. iliussissanik aalajangiisoqarnissaata isummerfigineqarnissaa qulakkeerneqassaaq, tassungalu ilaatigut ikummatissanik, kemikalianik, igitassanik eqqaanissamik atoqqiinissamillu aammalu imikkoormermik isumaginnittoqarnissaa ilaatinneqarpoq. Piumasaqaatit ASN-imut nassuiaammut naapertuupput.
2-3	Aqquserniassap atortullu attuumassutillit allat, taakkunungalu ilanngullugu atortussanik piiaaffissat ilanngullugit, inissisimaffissaannut annertusaaffissaannullu pilersaarutit Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmit akuerineqassapput, ASN-imut nassuiaammi piumasaqaatit aalajangersarneqartut malinneqarnissaat qulakkeerniarlugu, tassungalu ilanngullugu akuutissanik avatangiisinut ajoqutaasunik tatsimut imeqarfimmut pisoqannginnissaa, aammalu erngup pissusiata katitigaanerisa atortullu inissinneqartut ASN-imut nassuiaammi il.il. piumasarineqartutut aalajangersarneqarnissaat qulakkeerneqassaaq.
4-11	Imermut imerneqarsinnaasumut isumalluutit qulakkeerniarlugit aammalu tatsit imeqarfiit akuutissanik avatangiisinut ajoqutaasunik akoqalernissaannut illersuiniarluni, kiisalu sumiiffimmi kulturip oqaluttuarisaanerani soqutigisassaasinnaasut qulakkeerniarlugit piumasaqaatit aalajangersarneqarput. Piumasaqaatit ASN-imut nassuiaammut naapertuupput.

12-14	Atortussanik piiaanissamut piumasaqaatit tatsip imeqarfiup akuutissanik avatangiisinut ajoqutaasunik, imermut imigassamut isumalluutitut sunniuteqarsinnaasunik akoqalernissamut illersorneqarnissaanik qulakkeerniarluni, kiisalu sumiiffimmi/nunami sunniutit annikinnerpaanissaat qulakkeerniarlugu aalajangersarneqarput. Piumasaqaatit ASN-imut nassuiaammut naapertuupput.
15-16	Piumasaqaatit tatsip imeqarfiup akuutissanik avatangiisinut ajoqutaasunik, imermut imigassamut isumalluutitut sunniuteqarsinnaasunik akoqalernissamut illersorneqarnissaanik qulakkeerniarluni, kiisalu sumiiffimmi/nunami sunniutit annikinnerpaanissaat qulakkeerniarlugu aalajangersarneqarput. Piumasaqaatit ASN-imut nassuiaammut naapertuupput.
Fejl! Henvisningskilde ikke fundet.7-29	Piumasaqaatit avatangiisit ataatsimut isigalugit illersorneqarnissaat, pingaartumillu tatsip imeqarfiup akuutissanik avatangiisinut ajoqutaasunik, imermut imigassamut isumalluutitut sunniuteqarsinnaasunik akoqalernissamut illersorneqarnissaanik qulakkeerniarluni aalajangersarneqarput. Taamaattumik imeqarfiup killeqarfiata iluani sanaartornissamut kemikalianik, uuliamik tunissassianik, igitassanik imermillu errortuutikumik passussinissamut tunngatillugu piumasaqaatit sukannerulersinneqarput. Piumasaqaatit ASN-imut nassuiaammut naapertuupput.
30-33	Sanaartornerup nalaani atortussanik piiaanermi pinngortitaq avatangiisillu sunnerneqannginnissaat qulakkeerniarlugu piumasaqaatit aalajangersarneqarput. Pinngortitap eqqarsaatigineqarnissaanut tunngatillugu, tassungalu nunap pinngortitallu iluarseqqinnissaannut periarfissaqarnermut tunngasut ilanngullugit, piumasaqaatit ASN-imut nassuiaammut naapertuupput.
34	Imermut imigassamut isumalluutit aammalu pinngortitaq avatangiisillu avatangiisuusut eqqarsaatigalugit imeqarfiup killeqarfiata iluani asimilu qamutit assakaasullit atorlugit inertequtaasumik angalasoqannginnissaa qulakkeerniarlugu piumasaqaat aalajangersarneqarpoq. Piumasaqaat avatangiisinik illersuinissamut inatsimmut, pinngortitamik illersuinissamut inatsimmut aamma ASN-imut nassuiaammut naapertuuppoq.
35-37	Aqqusinermik ingerlatsinerup nalaani imermut imigassamut isumalluutit, akuutissanik avatangiisinut ajoqutaasunik tatsimut imeqarfimmut kuutsinnaveersaarnersigut, aammalu piumasaqaatit, <i>Sisimiuni imeqarfiup killeqarfia aqqusaarlugu aqqusernup sananeqarnissaanut ingerlanneqarnissaanullu immikkut ittumik akuersissummi</i> piumasaqaammi 14-imi allassimasut aqqutigalugit illersorneqarnissaat qulakkeerniarlugu piumasaqaatit aalajangersarneqarput. Piumasaqaatit ASN-imut nassuiaammut aamma Avatangiisinik illersuinissamut inatsimmut naapertuupput.
38	Piumasaqaat erngup katitigaanera qulakkeerniarlugu aalajangersarneqarpoq.
39	Piumasaqaat ujaqqanik inuit inuunerannut avatangiisinullu ulorianartorsiortitsisumik nakkaasoqannginnissaa, tassungalu ilanngullugu imermut imigassamut isumalluutitut ajutoornermik kuuttoornermillu kinguneqarsinnaasoq qulakkeerniarlugu aalajangersarneqarpoq. Piumasaqaatit ASN-imut nassuiaammut naapertuupput.
40	Piumasaqaat nunap, pinngortitap avatangiisillu sunnerneqarnissaasa annikinnerpaanissaa, tassungalu ilanngullugu iluarseeqqinnissaa qulakkeerniarlugu aalajangersarneqarpoq. Piumasaqaat ASN-imut nassuiaammut naapertuuppoq. Tamatuma peqatigisaanik piumasaqaammi atortussat

	taamaallaat ujaraaqqerivimmi imeqarfiup killeqarfiata avataaneersumi piiarneqartut atorineqarnissaat qulakkeerniarneqarpoq.
41	Piumasaqaat qamutit assakaasullit aqqusernup avataani angalanerminni imermut imigassamut isumalluuteqarfiup sunnerneqannginnissaa qulakkeerniarneqarpoq.
42-43	Upalungaarsimanermut pilersaarummut tunngatillugu piumasaqaatit ajutoortoqarnerani avatangiisinut sunniutissat annikinnerpaanissaat qulakkeerniarlugu aalajangersarneqarput, tassanilu pingaartumik tatsip imeqarfiup imermullu imigassamut isumalluutit illersorneqarnissaat eqqarsaatigineqarput. Piumasaqaatit ASN-imut nassuiaammut naapertuupput.
44-47	Piumasaqaatit ernup errorutuutikup, igitassat, ikummatissanik assartuussinerit/uninngasuuteqarnerit issullu mingutsinneqarsimasinnaasut maleruagassat atuuttut naapertorlugit isumagineqarnissaat qulakkeerniarlugu aalajangersarneqarput.
48	Piumasaqaat ingerlatsinerup nalaani aputaajaanerni tatsimut imeqarfimmut akuutissanik avatangiisinut ajoqutaasunik kuutsitsisoqarsinnaajunnaarluni isumaginnittoqarnissaa qulakkeerniarlugu aalajangersarneqarput. Piumasaqaatit ASN-imut nassuiaammut aamma Avatangiisinik illersuinissamut inatsimmut naapertuupput.
49	ASN-imut nassuiaammi sanaartukkap matuneqarnissaanut apeqqu sammineqanngilaq, aammalu aqqusernup atorunnaarnissaa pilersaarutigineqanngilaq. Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik naliliivoq, ingerlatsineq unitsinneqassappat sanaartukkamik matusinissamut pilersaaruteqartoqartariaqartoq, taamaalillunilu sanaartukkap, pinngortitamut, avatangiisinut nunamullu pisariaqanngitsumik sunniisussap qimaannarneqannginnissaa qulakkeerneqassaaq. Taamaattumik matusisoqassappat sanaartukkamik matusinissamut pilersaarutip suliarineqarnissaa pisariaqarpoq.

6 Allaffissornikkut aalajangersakkat

Kapitalimi matumani ASN-imut akuersissuteqarnerup atorunnaarnissaa misissorneqarnissaalu pillugit (§§ 24-25), kiisalu peqqusissuteqarneq aammalu inerteqquteqarneq pillugit (tak. §§ 29-32) aalajangersakkat nassuiarneqarput, tak. *atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq* (ASN-imut nalunaarut).

6.1 Akuersissuteqarnerup atorunnaarnera

ASN-imut nalunaarummi § 24 naapertorlugu ASN-imut akuersissuteqareernerup kingorna ukiut sisamat iluanni taanna atorneqarsimanngippat, ASN-imut akuersissuteqarneq atorunnaassaaq. Sanaartugassap sanaartorneqarnera imaluunniit allanngortinneqarnera aallartissimappat, akuersissut atorneqarsimassaaq, tak. § 24, imm. 2.

ASN-imut akuersissuteqarneq nutarterneqassappat, ASN-imut nassuiaatip tamanut ammasumik tusarniaassutigineqarneraniit (13. decembari 2021 – 18. februaari 2022) suli matussusiisinaappat, akuersissuteqarneq manna aallaavigineqarsinnaavoq, tak § 24, imm. 3.

6.2 Akuersissuteqarnerup kukkunersiorneqarnera

ASN-imut nalunaarummi § 25 naapertorlugu akuersissuteqarnerup kingorna ukiut arfineq pingasut sinnerlugit ingerlareerpata, tamanna avatangiisitigut tunngavilersorneqarsinnaatillugu imaluunniit saleeriaatsit pitsaanerusut tunisassioriaatsilluunniit mingutsitsinnginnerusut ineriartortinneqarsimappata, Nunalerinermut, Imminut Pilersornermut, Nukissiutinut Avatangiisinullu Naalakkersuisup nutaamik ASN-imut akuersissuteqarluni tamatumunnga piumasaqaatit allanngortissinnaavai.

6.3 Peqqusissuteqarnerit

ASN-imut nalunaarummi § 29, imm. 1 naapertorlugu akuersissuteqarnermut piumasaqaatit unioqqutinneqarsimappata, taamaalillunilu sanaartugaq mingutsitsinermik, Nunalerinermut, Imminut Pilersornermut, Nukissiutinut Avatangiisinullu Naalakkersuisup annertuutut naliligaanik malitseqarsimappat, Nunalerinermut, Imminut Pilersornermut, Nukissiutinut Avatangiisinullu Naalakkersuisoq iluarsiiissutissat iliuuseqarnernik aallartitsinissamik peqqusissuteqarsinnaavoq. Piffissaliussap aalajangersarneqartup iluani peqqusissuteqarneq nalunaarutigineqartoq malinneqanngippat, oqartussap peqqusissuteqartup Qeqqata Kommuniata akiligassaanik iliuusissat suliaritissinnaavai, tak. § 29, imm. 2.

Aatsaat ASN-imut nalunaarummi § 32 naapertorlugu § 29, imm. 1 tunngavigalugu peqqusisoqarsinnaavoq, imaattoqarsimappat:

- Akuersissuteqarnermut piumasaqaatit unioqqutinneqarpata.
- Mingutsitsinerup ajoqusiisumik sunniuteqarnera pillugu paasissutissanik nutaanik annertuunillu saqqummertoqarsimappat.
- Mingutsitsineq annertuunik avatangiisinut ajoqusiisunik sunniuteqarnermik, akuersissuteqarnermi siumoortumik takorloorneqarsinnaasimanngitsunik malitseqarpat, imaluunniit
- Mingutsitsineq akuersissuteqarnermi tunngavigineqartut qaangerlugit annertussuseqarpat.

6.4 Avatangiisinik nakkutilliineq

ASN-imut nalunaarummi § 28 imm. 1 naapertorlugu Qeqqata Kommuniata aningaasartuutit naleqquttut, nakkutilliisut sumiiffimmi takusaaviusumiinneranut immaqalu aamma sumiiffimmi eqqaanniittumi, sanaartukkat sunniuteqarfigisinnaasaani assartuineranut atasut tamaasa akilissavai.

Nakkutilliineranut ilaatillugu Nunalerineranut, Imminut Pilersornermut, Nukissiutitut Avatangiisinullu Naalakkersuisup nakkutilliinerup annertussusia nalilersussavaa, tassungalu peqataasut amerlassusii sivilissusissarlu ilaatinneqassapput, aammalu tamatuminnga Qeqqata Kommunia ilisimatinneqassaaq, tak. § 28, imm. 2.

6.5 Akuersissuteqarnerit ilannguttussat

ASN-imut nalunaarummi § 14, imm. 1 naapertorlugu sanaartugassami matumani Nunalerineranut, Imminut Pilersornermut, Nukissiutitut Avatangiisinullu Naalakkersuisoqarfiup avatangiisinut pilersaarusiornermut aamma pilersaarutitut akuersissutinullu aallanut, ASN-imut akuersissummi allassimasunut aningaasartuutai Qeqqata Kommuniata akilissavai, taakku ASN-imut akuersissummut matumunnga ilaatinneqarmata.

7 Tamanut saqqummiussineq aamma naammagittaalliornissamut ilitersuineq

ASN-imut nalunaarummi §§ 22 aamma 23 naapertorlugit Nunalerinermut, Imminut Pilersornermut Nukissiutinut Avatangiisinullu Naalakkersuisup akuersissuteqarneq manna Namminersorlutik Oqartussat nittartagaanni www.naalakkersuisut.gl kiisalu nuna tamakkerlugu najukkanilu tusagassiuutini tamanut saqqummersissavaa.

Aalajangiineq avatangiisinik allanngutsaaliuinermit inatsimmi¹ § 60, imm. 1 naapertorlugu Avatangiisinik Illersuinissaq pillugu Maalaaruteqartarfimmut, ASN-imut nalunaarummi § 33 naapertorlugu Naalakkersuisunit pilersinneqartumut maalaarutigineqarsinnaavoq.

Avatangiisinik allanngutsaaliuinermit inatsimmi § 60, imm. 2 naapertorlugu maalaaruteqarnissamut pisinnaatitaaffeqarput:

- Aalajangiiffigisaasoq
- Nakorsaaneqarfik
- Kikkulluunniit suliap inernejarneranut ataasiakkaarlutik imaluunniit annertuumik soqutigisaqartutut ilimagineqartariaqartut
- Peqatigiiffiit kattuffiillu, malittarisassanik malillugit sukisaarsaarnermut, avatangiisinut pinngortitamullu soqutigisanik annertuunik isumaginninnissamik siunertaqartut

Avatangiisinik allanngutsaaliuinermit inatsimmi § 60, imm. 3 naapertorlugu maalaaruteqarnissamut piffissaliussaq sapaatit akunnerinik arfinilinnik sivilissuseqarpoq, ullormit aalajangiiffiusumit naatsorsorlugu.

Maalaarutaasinnaasut uunga nassiunneqassapput:

Nunalerinermut, Imminut Pilersornermut, Nukissiutinut Avatangiisinullu
Naalakkersuisoqarfik
Imaneq 1A
Postboks 1614
3900 Nuuk
E-mail: pan@nanoq.gl

Tamatuma kingorna Naalakkersuisoqarfiup maalaarut najoqqutassanik, suliap naliliiffigineqarneranut ilaatinneqartunik ilaqartillugu Avatangiisinik Illersuinissaq pillugu Maalaaruteqartarfimmut nassiutissavaa. Tamatuma peqatigisaanik suliami akuusut suliami maalaarummik tigusaqartoqarnera pillugu ilisimatinneqassapput.

¹ Avatangiisit innarlitsaalliorneqarnissaanik Inatsisartut inatsisaat nr. 9, 22. november 2011-meersoq

Maalaaruteqartarfiup aalajangiineri allaffissornikkut oqartussaasunut allanut ingerlateqqinneqarsinnaanngillat, tak. Avatangiisinik allanngutsaaliuinnermut inatsimmi § 60, imm. 4.

Avatangiisinik allanngutsaaliuinnermut inatsimmi § 63, imm. 1 naapertorlugu inuit tamat maalaarutaat piffissami Avatangiisinik Illersuineq pillugu Maalaaruteqartarfiup maalaarutaasinnaasunik suliaqarfiani atuuttussanngortitsisinnaanngillat, tamatumani Naalakkersuisut allamik aalajangiinngippata.

Piffissap maalaaruteqarfiusussap naanissaa sioqqullugu illuliassat sanaartugassallu aallartinneqassanngillat, tak. Avatangiisinik allanngutsaaliuinnermut inatsimmi § 64, imm. 1.

Aalajangiinerup nalunaarutigineqarneraniit qaammatit arfinillit qaangiutsinnagit aalajangiineq eqqartuussivimmut suliakkiissutigineqarsinnaavoq, tak. Avatangiisinik allanngutsaaliuinnermut inatsimmi § 65.